

讀
春
秋
管
見

凝園讀春秋管見卷之三
慎齋羅典徽五氏定稿

男紹邴孫恕校字

賢給

莊公元年

春王正月

管見桓公以十八年夏四月薨于齊。是月公之喪至自齊。及冬十有二月葬。此九月中莊公已即位。為在喪之君矣。踰年改元。不再行即位之禮。故不書公即位。

三月夫人孫于齊

管見此文姜怒而去魯也。桓公薨于齊之故。魯人請讓必多。文姜以為汙穢。必忿然曰。是使我不得為夫人也。我何戀戀於魯。歸為齊女。齊大不尤勝於魯。夫人哉。乃致其夫人而去。故曰夫人孫于齊。舊以孫為內諱。奔之辭。彼文姜淫而悍惡。恣行無忌。雖已負罪通天。何嘗內慚不安。而有事於奔乎。所謂孫者。猶云姑擲此夫人之位已耳。故不稱姜氏。而意乃醒。或又指為去其姓氏以示絕不為親。如後之屢稱夫人姜氏。又何說焉。至莊公之即位。初及踰年。改元以紀其為君。乃值春王正月。其母夫人欲孫于齊。不可禁。天下豈有無母之君哉。在夫人亦扶此意以脅莊公之必來。遂於齊耳。至其後逆之而至。又儼然夫人矣。不書略之也。

夏單伯逆王姬

〔書見〕按齊襄公以莊之八年為無知所弑。未聞并殺襄公之子。及雍廩殺無知。其爭國者。惟小白及糾。皆桓公之庶子。是襄公固無子也。然則此王姬之歸於齊。其歸於襄公。與蓋襄公嘗以無子告王。因求王姬。以為夫人。欲有子。故王許之耳。然攷之於禮。諸侯不再娶。其再娶者。皆不得如始昏之娶嫡夫人。可以備禮。凡嫁娶而禮不備。曰奔。故聘則為妻。奔則為妾。此王姬之嫁於齊。其實欲同於妻之聘。其迹則幾於妾之奔也。何以言之。齊之再娶王姬。必為王之妾。女王不得貴齊。以夫人之禮逆之。以故是年冬。王姬歸于齊。自魯歸之。而其先築王姬之館於外。則於秋。是為預謀。所以處王姬者。乃於館未築之夏。遽稱單伯逆王姬。則何也。單伯為魯之命大夫。而王忽召之初。何嘗知其使逆王姬也哉。既至。王乃語之。若曰。齊侯求王姬為夫人。欲有子。予許之。然非始昏也。以禮言。不得使齊侯來逆於京。師亦不得使齊侯遣卿來逆於京。師也。王姬何以歸於齊乎。度惟使女自魯來逆之。使魯為之館。以處王姬。乃令齊

使卿逆於魯之館。使齊侯自逆於齊之館。如是以歸王姬。庶幾亡於禮者之禮也。夫爾時單伯受王命。遂留京師。使人告魯通築館。以冬歸王姬之期。示焉。魯於是乃知單伯之如京師。王召之。非有他故。獨為逆王姬也。故書曰。單伯逆王姬。至公羊傳。稱天子嫁女於諸侯。必使諸侯同姓者主之。穀梁亦有使魯主昏之說。注謂天子不自主者。尊卑不敵。若行婚姻之禮。則傷君臣之義。行君臣之禮。則廢婚姻之好。故必使有血脈之屬。可為父道。與所適敵體者主之。未審於禮何據。姑就事論之。王姬歸於襄公。而使莊公攝父道。以主昏。不疑於以王為敵體乎。且莊公生於桓公六年。及茲即位之元年。纔十四歲。乃襄公之幼甥也。其可以主舅父之昏也哉。弗思甚矣。

秋築王姬之館于外

管見凡作室皆稱築者。築其基耳。基固則室不壞。必先之。尤必慎之。故作王姬之館曰築。館以舍王姬。而侯齊之來。

逆。必築之於外者。左傳昭公元年。楚公子圍聘於鄭。且娶於公孫段氏。將入館。鄭人惡之。使行人子羽與之言。乃館於外。既聘。將以束逆。子產又使子羽辭曰。敝邑褊小。不足以容從者。請擇聽命。楚使伯州犂來言。子羽曰。小國無罪。恃資其罪。將恃大國之安靖已而毋乃包藏禍心。以圖之。魯之築館於外。亦此意與。

冬十月乙亥陳侯林卒

管見高氏閔曰。莊公與桓王同時。王名林。而公亦名林。君臣同名也。按諱始於周。而亦有此。當錄之以資考異。又陳自陳佗殺太子免而自立。明年蔡人殺陳佗。立陳侯躍。八年卒。其中弟立。此陳侯林是已。亦八年卒。又立季弟杵臼。並桓公鮑之庶子。躍與林二君。皆不私其子而以次立弟。殆悼心於佗之禍。而相警以成此友。讓與。

王使榮叔來錫桓公命

管見奉天命以命有德故王曰天王茲榮叔之來錫桓公命者徒以王姬之自魯而歸於齊惟莊公實襄其事雖在喪不辭乃特加追錫以寵其先君耳是得為天命有德之命乎以是稱王而不稱天所謂命者惟將桓公二字分看合看乃有若落去年冬十有二月己丑葬我君桓公其謚桓私也其稱公僭也豈嘗有王命哉凡謚者行之迹所以表德有誅以定謚禮稱賤不誅貴惟天子稱天以誅之是有命矣又五等之爵公為首惟二王之後稱公則及其子孫若周公封魯其後世皆稱魯侯也春官宗伯典命職言天子加以九命為伯而後稱公凡以旌有德是亦有命矣今桓公之命其謚曰桓命其爵曰公皆由王使榮叔來錫於魯孰得議其私謚其僭與然桓公之慙德叢於厥身實不堪其賜謚實有玷於加爵以為王有為而錫之命可矣若竟以為王本奉天而錫之命則豈其然

王姬歸于齊

管見張氏洽曰。王姬來而不書至。別於魯夫人也。按此意應補出。

齊師遷紀邾郚郚

管見按遷字宜玩。謂齊師本在齊。一矢入於紀之邾郚郚。以威之。則其民懼而遁竄。遂使齊師據之。宅其宅。田其田。以奠厥攸居。是不成為齊師遷於紀之邾郚郚哉。齊師得其所。而紀之邾郚郚其卒以流亡者。固靡所底止矣。毒極慘極。邾杜注在東莞臨朐縣東南。今屬山東青州府鄆杜注。都昌縣西有營城。都昌。今山東青州府昌邑縣也。有營亭社。在縣西十里。邾杜注。在宋虛縣東南。今山東濟南府安邱縣西南六十里。有邾城。

二年

春王二月葬陳莊公

讀春秋管見卷三 莊公二年

〔管見〕前桓公十二年八月。陳侯躍卒。魯不。會。葬。陳侯林立。至莊公元年冬。卒。二年春。王二月。魯會其葬。前豈其有怨於陳侯躍。今豈果有德於陳侯林哉。自桓公十八年中。其用情之隨人。向背。因事。翻覆。類如此。莊公少主。亦由在廷諸臣相與承其流而導之已耳。

夏公子慶父帥師伐於餘丘

〔管見〕按於餘丘。公穀皆以為邾邑是也。凡國無有以三字名者。六書故。春秋時邾用夷。故邾謂之邾婁。邾婁之音為鄒。故邾改名鄒也。據此推之。於餘即邾之切音。邕與婁聲亦近。可知於餘邕之與邾婁。字形字數有異。其實一而已矣。又按隱公元年。公及邾儀父盟于蔑。其國但稱邾。不稱邾婁。而其舊名仍存于別邑。以是有呼邾婁為於餘邕者。公子慶父帥師伐邾之別邑。故即因其別邑之名。而書曰伐於餘邕。胡傳此邑爾。其曰伐何也。誌慶父之得兵權也。

莊公幼年即位。以慶父主兵卒。致子般之禍。於餘邱法不當書。聖人特書以誌亂之所由。為後戒也。劉氏炫曰。慶父自稱仲。欲同於正。適言已少次莊公。為三家之長。故以莊公為伯。而自稱仲。趙氏鵬飛曰。溺伐衛則聖人貶其族。慶父專聖人不去氏。何也。於以著孟氏之孽。蓋基於此。不氏則無以見之。故書曰公子。

秋七月齊王姬卒

舊見齊王姬卒。雖來告喪。無足書。書者欲借情王姬以惡齊侯耳。去年冬十月王姬歸于齊。即聯書齊師遷紀邢鄆。鄆以此凶狠不仁。已足干天和而召家禍。王姬何辜於天。而以此以齊侯之惡德而殃及之。豈不哀哉。而猶未也。苗必逮其身矣。

冬十有二月夫人姜氏會齊侯于禚

管見按齊襄之與文姜其好淫實為之敵觀詩稱南山崔
崔雄狐綏綏則此會于禚及享于祝邱如齊師于防于穀
皆襄公先定所處以陰為招致而文姜遂從之者此年秋
七月齊王姬卒其冬十有二月齊侯適至于禚夫人姜氏
或當假哀弔之名以行其得文其私也然春秋但書曰會
會為相需而相遇之道解其何以明男女之別兄妹之嫌
哉再觀於敝笱之詩曰齊子歸止其從如雲其從如雨其
從如水以此為會字作形容語正合禚杜註齊地左傳定
九年齊侯致禚媚杏於衛杜註三色皆齊西界據此當為齊魯衛分界之地

乙酉宋公馮卒

卷三

管見高氏閔曰觀宋莊伐求敗類則穆公之不以國與子
有以知之矣按前宋穆公欲立兄子與夷使子馮出居于
鄭馮倚鄭而黨宋華督遂弑其君與夷奪之國此高氏所
以目為伐求敗類也然亦享國十八年獲保首領以沒故

只遠表。穆公和之能知其子而莫由近誅莊公。馮之謀弑其君也。因竊以私意申之曰。宋公馮卒。子捷立。十年有宋萬之禍。豈得以及身幸免為天之常道哉。

三年

春王正月溺會齊師伐衛

傳見二年夏書公子慶父帥師伐於餘邱。謗慶父之得兵也。三年齊師伐衛。魯公子溺會之。則慶父之黨矣。故削其公子而以名斥之。與前貶無核輩扶柔之例為一。君行師從。於慶父之伐於餘邱。特稱帥師著其專兵而擅動大衆也。溺為慶父所使。雖帥師而不書。欲總其罪於慶父耳。非師少之謂。孫氏復曰。衛侯朔在齊。故溺會齊師伐衛。謀納朔也。按桓公十六年十一月衛侯朔出奔齊。此後莊公五年冬公會齊人宋人陳人蔡人伐衛。六年夏六月衛侯

朔入于衛。則此年之伐衛為納朔必矣。然但稱伐衛而止。言外便見有弗克納之意。

夏四月葬宋莊公

管見桓二年宋督弑其君與夷。三月公會齊侯陳侯鄭伯于稷。以成宋亂。謂不討華督弑君之賊。而封使之相莊公鴻也。故殤公與夷不書葬。及莊公立十八年卒。以此年夏四月葬。魯使人會其葬。春秋書曰夏四月葬宋莊公。是明魯先君桓公之成宋亂者。今得刷君莊公以卒成之終矣。苟知念此。恥孰甚焉。

五月葬桓王

管見劉氏敞曰君弑臣討賊猶親弑子復讐也。讐不復則不葬。不葬則服不除。寢苦枕戈。所以明臣子也。葬者臣子之終事其義未終故不敢急葬也。據此推之。桓王之七年而始葬其由被弑而未得討其賊與當魯桓之十有五年。

書三月乙未。天王崩。其先二月。家父如魯。以喪車而求車。實由天王使之來聘也。俄而遣使方殷。頓聞殂落。是無疾而暴崩。有陰謀弑之者矣。于時凡在王朝。互為踪跡。莫由正指其賊而討之。因殯桓王。而不敢葬。及恩四年。為魯桓之十八年。適有周公黑肩。欲弑莊王而立王子克。乃決知最時。桓王之被弑。其同為逆謀者。此兩人也。有周大夫辛伯。以變告王。遂與王殺周公。獨王子克脫奔於燕。未能即得。仍不敢葬桓王。以法追捕度於魯。莊初立之元二年中。始執獲王子克。殺之。告于殯。然後其賊得討耳。賊既討。旋當卜葬。而猶不敢以匆遽將大事也。惟天子七月而葬。同軌畢至。用是更遵定禮。以赴告於諸侯。使遠近皆得以時來會葬焉。故春秋於魯桓之十五年春。書三月乙未。天王崩。至魯莊之三年夏。始書五月葬桓王。以見周室非常之故。其於七月之葬。變而至七年者。有如此。

秋紀季以鄫入于齊

管見紀侯之弟紀季字而不名賢其知紀必滅猶能使鄆之民得免於難耳此時未暇為宗祧計觀莊公元年冬齊師還紀鄆鄆武人橫據民卒流亡鄆亦紀邑豈不聞而怖其慘毒哉于時紀季居鄆以為紀本不救民實何辜今齊師又將至鄆故紀季不欲有鄆而以鄆入于齊也其以之如何蓋屬鄆之民而告之若曰齊卒擊紀欲并鄆之民耳有民則土田賦稅歸之今若相率以入于齊乞為齊民難可免也齊師至則無及矣夫鄆之入于齊紀季以之既非鄆之畔紀紀季獨以鄆入于齊身不與鄆俱入則又非紀季之降齊也可不謂賢乎鄆杜注紀邑在齊國東安平縣今山東青州府臨淄縣東有安平城又有鄆亭

冬公次于滑

管見左傳冬公次于滑將會鄆伯謀紀故也鄆伯辭以難於是杜注以滑為鄆地在陳留襄邑縣北今河南歸德府

滑州有滑亭。按今睢州舊非鄭地。其滑亭亦據春秋釋地之說為之。非確證也。又魯桓之十五年冬及十六年夏凡再會師伐鄭。是為怨矣。莊公立未久。乃欲就之謀紀。豈轉望其以德報乎。且紀在齊之東界。鄭亦有鞭長莫及之勢。雖不辭以難總。無濟也。況乎會鄭以謀紀。未得定。公輒令以師從。次于鄭地。誠何為哉。猶是師也。將帥之以東救紀。先遂帥之以西會鄭。曾不計及於師勞而力竭。與竊意所稱滑者。當指衛地言之。今河南衛輝府之滑縣是已。觀此年春王正月。溺會齊師伐衛。以衛侯朔出奔在齊。而齊侯思納之於衛也。卒之弗克納。乃還。及是而冬。齊侯復欲合魯師以納之。有期日。溺當在師中。而公復自行。益心重是役。即將不留不處。以期事之就緒也。已而齊師不出。遣使止公。公之師已次於滑矣。此其為齊侯所使。而復亂於其言之不信。自滑以思其來。從如恐。後至有誅其歸。悄悄如。因不競而遁。公何以堪乎。故春秋譏之。但書曰。冬。公次于滑。亦欲見公之以師從齊。其終至於進退皆無所據。有。

如此耳。

四年

春王二月夫人姜氏享齊侯于祝丘

管見兩君相見有享禮主國之君設之杜注祝邱魯地今在沂州東南莊公四年春王正月齊侯適至故夫人姜氏以主國享賓之禮享齊侯也據此推之二年冬十有二月夫人姜氏會齊侯于禚禚為齊地則當夫人姜氏至齊侯為主國之君固早享夫人姜氏于禚矣此享于祝邱蓋踵而行之者汪氏克寬曰春秋雖鄭伯享王王享晉侯亦不書而書夫人享齊侯則以其非禮也張氏洽曰假先王之禮為禽獸之行此大亂之道也與

三月紀伯姬卒

嘗見春秋書紀伯姬卒。表魯女之能以尸守國而賢之也。於何見之。三月紀伯姬卒。夏紀侯大去其國。六月乙丑。葬伯姬。紀伯姬異哉。紀侯不有其國。胡以並舍伯姬之殯。而不獨直待齊侯之葬之耶。度伯姬將卒。必有言以語紀侯。曰齊侯之必滅紀。近在旦夕。國君當死社稷。固已無社稷。非得私於一君。有此土者。皆可祀之。惟宗廟不可廢之。他姓必將有與繼承。今擬君去。以守宗廟。我不去。以死社稷。庶兩得焉。惟我死。君去。願留其殯于寢。俾齊侯味然於紀。雖去國。猶有一魯女為紀夫人。不惜以尸守其國也。必毋上我。以是而三月紀伯姬卒。及夏紀侯大去其國。竟如伯姬之言不葬。哭殯而行。使得完其以尸守國之志焉。時紀之人。訝其奇行。爭相傳說。齊侯聞之。則心怵於婦。怨之無終。義憤之。不釋厲鬼為災之難為防。護也。爰謀受其靈。而以禮葬之。先命卜日。得六月乙丑。從至日。陳奠啟殯。飾棺升輜。引綍就窆。一切如夫人之禮。此他人所不敢擅。並齊侯主之。故六月乙丑葬紀伯姬。不曰齊人而曰齊侯。夫諸

侯會莖與國之夫人。但使大夫耳。今乃以亡國就木之紀。伯姬而使。魯仇若齊侯者。赫赫在人耳目。間實能降心加禮。以主其莖。榮則既極。賢復何加。

夏齊侯陳侯鄭伯遇于垂

管見齊襄公將滅紀。知紀之所賴者魯。魯之所恃者鄭耳。當桓之十三年春二月。齊僖公伐紀。公會紀侯鄭伯。已巳及齊侯宋公衛侯燕人戰。齊師宋師衛師燕師敗績。夫非鄭伯。厲公哭之力哉。及桓公以十五年冬。十六年夏。再會師伐鄭。伐入櫟之厲公也。於是魯與鄭伯惡。莊公繼之。未聞和協。齊襄乘此際以結於鄭伯。則奪魯之所恃。以自為助矣。紀復何所賴於魯乎。其先以陳侯者。陳近鄭。陳侯杵臼新立。纔三年。當修好于鄭。故齊侯借之以通于鄭伯。如主賓相見之有介紹然。以是於此四年夏。齊侯陳侯鄭伯遇于垂也。自有此會。魯聞之。度其不能以獨力救紀。決矣。

然則紀侯之大去其國。詎得已耶。

紀侯大去其國

〔晉見〕禮記曾子問篇。孔子謂問於老聃曰。君去其國。大宰取。羣廟之主。以從禮也。國以君為大君。以祖。禰。為大。今紀侯不得有其國。乃至盡取羣廟之主。以從其去也。可不謂大去乎。且紀侯之去其國。與紀季以郕入于齊之意同。並欲沮止齊師。使民免於難。不至如邾鄆之遭其橫暴耳。惟其閔衆。如切膚。因之棄國。如敝屣。當去之日。以廟主載於齊車。別其羣臣百姓。祖而后行。羣臣百姓送之。出境而反之。道之所經。羣瞻為紀侯之去國。豈若有故出奔者之情狀。適貽誚於流離。瑣尾也哉。以是而指其去為大去。亦宜故。凡諸侯失國。則名此。獨不名而變其例。曰紀侯并申其失國者。非出奔。乃於其去而別異其辭。曰大去其國。

六月乙丑齊侯葬紀伯姬

秋七月

冬公及齊人狩于禚

管見禚為齊之西界。接魯境齊人狩于禚。所謂齊人。即齊侯襄公。由春秋斥為公之父。舉而人之耳。齊侯狩于禚。公胡以及之。時蓋以齊襄恃其尊屬而召公。公遂往而從焉。是為及。周官大司馬之職。冬田曰狩。以教大閱。陳車徒如戰之陳。斬牲以誓。辨旗物鼓鐸錡鈞之用。嬭坐作進退擊刺之法。其奮揚用命實與對大敵同之。既畢乃以行。狩知從禽其餘事也。此齊侯之狩于禚。殆亦主於張三軍以耀武。使公閱之。而心惴其赫奕有如此。夫齊侯何所忌於魯哉。以魯之與紀。焉於婚姻之戚。紀侯大去其國。其為寄公於魯必矣。伯姬卒以尸守國。齊侯為之奪魄。禮葬之。而故

姬猶從在魯。計其播遷以後。自夏徂秋。竟時晦跡。絕不知其。所為。能無疑。紀之卒。恃於魯。以陰圖復國。與此齊人之冬狩于禚。期公而公及之。欲以示威於魯。即得便紀之謀。亦終沮也。然紀侯之與其弟紀季。以哀民難而同志於仁。則成心不起。即紀伯姬之與其妹叔姬。以傷國亡而固守於義。則外事不干。皆所謂賢也。彼齊襄。徂於淫昏。恣其殘暴。其於賢者之處心積慮。所求而得。所舍而取。惡知其為何物也哉。至若魯莊之幼而愚闇。惟齊侯之命是聽。齊詩有猗。嗟。一篇。以刺之。正為此公及齊人狩于禚也。其詞數誇其射之能。以為從狩則善矣。其如所與狩者之為父讐何。故三章凡用十七兮字。有無限感慨。汪氏克寬曰。公羊記柯之盟。特會。公謂曹子曰。寡人之生則不如死矣。自傷與齊為讐。不能復也。然則禚之狩。豈亦與念及此耶。

五年

春王正月

夏夫人姜氏如齊師

管見孔氏頴達曰於時齊無征伐之事不知師在何處蓋齊侯疆理紀地有師在紀夫人當向紀地從之按去年夏紀侯大去其國至此年夏積之過一年紀之民心當定故及是而疆理其地也惟齊侯親行雖無敵而必以師從以適新并之國而備不虞亦其宜矣其不地者紀亡其國不得仍舉舊名至於周巡別邑靡所定處悉數之亦不得也於是齊侯所至師皆至焉齊師所至夫人姜氏亦皆至焉故總書曰夫人姜氏如齊師如齊師者會齊侯也齊詩亦有載驅一篇以刺之其首章曰載驅薄薄載始也驅謂人之疾行有如馬然勿泥馬說薄宜與薄伐之薄同謂迫而使之疾行也當日文姜之會齊侯由南山所言葛屨五兩冠綏雙止推之其所乘之與每以人行非用馬者而其趨塗甚

秋邠黎來來朝

急則于始發之時即使人比於馬而為驅馬故云載驅以此發明如字正得其實其稱薄薄之義須從下齊子發少看出蓋此所書夏者實值夏之盛暑故齊子之發不于晝而于夕亦欲避炎蒸而逐清涼云爾因是道中之載驅者竟夕不得休直猶潛師克敵號令頻仍一曰薄再曰薄惟恐失期而不得伸其間志也嘻亦甚矣夫人姜氏如齊師詩人卽借行師之有事于薄薄者寓其會淫之情狀醜孰加焉而夫人不顧也其初如齊師如是當其既至所為隨逐齊師以昵比齊侯者亦何在非此志乎

〔管見〕孔氏穎達曰邠之上世出于邾國譜云小邾邾挾之後也夷父顏有功于周其子友別封為附庸居于邠曾孫黎來始見春秋數從齊桓尊周室王命為小邾子據此則邾友別封于邠亦獨以邠為國名不稱邾也其後王命為

小邾子。雖謂邾出自邾。而以小別之。則仍得辨其為邾矣。凡附庸之君無爵。春秋例以名書。進爵為子。則不名。觀僖公七年夏。書小邾子來朝。獨舉其爵。亦足證已。但此莊公五年秋。邾黎來朝。前乎此。何未聞也。按厥所由。其殆與邾有隙。而思託其國于魯。與。按此年至莊公十五年秋。宋人齊人邾人伐邾。苟非與邾久不相能。何至因宋齊以來伐耶。邾黎來早。慮及此。因念桓公十七年秋。魯及宋人衛人伐邾。邾則與邾失好。及茲莊公五年未久也。乃以秋來朝于魯。而通好焉。邾失好。而邾得通好。豈不足以託其國于魯哉。杜注。邾附庸國。東海昌慮縣有邾城。今昌慮城在兗州府滕縣東南六十里。邾城在縣東六里。

冬公會齊人宋人陳人蔡人伐衛

〔管見〕齊侯合四國之師以伐衛。欲卒納衛侯朔也。朔之當廢與公子黔牟之當立有難。以深辨者。惟黔牟之立實假。

王命。齊侯必納朔而逐黔牟。會師伐之。衛不敵而有王人子突救之。則又實發王師也。而卒之伐衛而朔入于衛。則其棄王命抗王師罪皆不可追矣。故齊侯宋公陳侯蔡侯皆貶而稱人。程子曰。諸國稱人。則魯在其中矣。金氏斲曰。魯獨稱公。臣子之詞耳。王氏葆曰。不稱公。則若內之微者。亦不足以見四國稱人之為君也。

六年

春王正月王人子突救衛

管見胡傳稱或曰。子突。王之子弟也。當從之。天子之子弟稱王子。與諸侯之子弟稱公子同。親且貴者也。此本為王子突。春秋夾入人字。曰王人子突。特以示貶云爾。但示貶之例。後亦有王子而書王人者。此則既書王人而復必斥其名曰子突。則何以故。以王之統馭諸侯。莫大于廢立之故。與夫征討之法。而突為王子。每主于罔上行。私以誤王。

若使其名竟沒其罪將何歸乎。今觀其救衛者。救衛之公
子黔牟耳。黔牟之立。假王命以立之。必由衛之左公子洩。
右公子職。私于王子突。以請于王。故王許立黔牟而逐朔。
及齊侯連兵伐衛。又必由二公子乞救于王子突。突復請
於王。而以王師救之。卒之不克救。而衛侯朔入。放公子黔
牟于周。殺左公子洩。右公子職。皆突之所。以誤王。而使失
其統馭。諸侯之大柄也。人而名之。則其
罪有攸屬。豈得逃天下後世之詬責哉。

夏六月衛侯朔入于衛

〔管見〕此年春王正月。王人子突救衛。殆主于閉城堅守。以
捍其入而已。非敢戰也。歷百有數十日。至夏之六月。寒不
支而遂潰。諸侯環而攻者。
入焉。於是衛侯朔入于衛。

秋公至自伐衛

螟

晉見公以去年冬會伐衛。及今年秋。乃至自伐衛。曠日持
久。雖未聞其以東戰而多殺傷。然其老師糜餉耗。靈亦已
甚矣。又况歸塗所經。螟災蔽野。
秋登無望。魯之民其何以堪。

及齊人來歸衛俘

晉見衛俘。謂伐衛所獲之囚。非衛寶也。左傳桓公六年。北
戎伐齊。鄭太子忽救齊。大敗戎師。獲其二帥。大良。少良。甲
首三百。以獻于齊。又僖公二十八年。晉文公敗楚師于城
濮。作王宮于踐土。丁未。獻楚俘于王。駒介百乘。徒兵千。此
所害齊人來歸衛俘。亦類是耳。伐衛之役。齊侯主兵。固強
而師衆。當其入衛。凡衛之師。及王人救衛之師。有釋甲擲
兵而降者。必盡獲之。以驅入于齊矣。及公至自伐衛。齊人
以衛俘。非寶分。以遺晉。不尤惜。且得囚之。誇示其強。以威

魯也。由是而齊人來歸衛俘矣。其歸之如何致辭殆謂魯之會伐衛者久淹于外。今當入而振旅以是補其缺失可也。

七年

春夫人姜氏會齊侯于防

晉見 將前二年冬書夫人姜氏會齊侯于禚左傳曰晉姒也則知四年春之享祝邱五年夏之如齊師雖不言會莫非主于會齊侯也皆書姒也此年春書夫人姜氏會齊侯于防左傳曰齊志也以防為魯地耳其實冬書夫人姜氏會齊侯于穀穀雖齊地亦必由齊侯有約于防之會也皆齊志也。

夏四月辛卯夜恒星不見夜中星隕如雨

管見天地之道。恒久而不已也。故凡在天成象者。皆曰恒。以生言之。經星麗天不動。恒矣。而五緯之行天。其遲速。皆有常度。又何嘗不見為恒。不寧惟是。月之盈虧。有弦望晦朔。每夜不同。然就舉一月。即可。以例十二月。及無數月。則亦恒矣。詩小雅天保篇。稱如月之恒正。以此。又不寧惟是。雷風有聲。而無形。時作時止。似乎偶然耳。而其輔日月。以成四時之溫涼寒煖。無歲不然。此易之名卦。所由於雷風。而獨曰恒。與凡天象之失其恒。則為變。為災。如星曰恒星。反則必見其或夜欽雨。而雲興焉。有不見亦不失其恒也。乃此年之夏四月辛卯夜。但書夜而已。是非不夜。晴而夜。雨可知。而其時共訝于恒星之不見。若有以翳之。則如雲。焉亦已異矣。而其尤有異者。至于夜中。恒星之不見。仍如雲。而恒星之為星。忽于不見中。而共訝其有隕自天者。歟。流亂落。不可為數。欲不以為如雨。得乎。夫天有恒象。而道寓焉。人有恒性。而道行焉。人事感于下。則天心應于上。變不虛生。災由自召。若以君子處此。其為恐懼修省。當何若。

哉。

秋大水無麥苗

管見月令仲秋之月乃勸種麥毋或失時種之則苗生矣此年秋大水麥不得種故曰無麥苗然大水害秋不害月則竟一時也觀月令稱孟秋之月農乃登穀天子嘗新先薦寢廟又稱季秋之月天子乃以犬嘗稻先薦寢廟玩乃字亦新登也據此推之春秋但書無麥苗則孟秋之穀季秋之稱皆為大水所沒沒必可知矣

冬夫人姜氏會齊侯于穀

管見穀杜注齊地濟北穀城縣今山東兗州府東阿縣治故穀城是已按莊之二年夫人姜氏會齊侯于穀會淫也至四年而事于祝邱遂不憚以宴私昵而干先王之禮矣其明年則如齊師大衆所先聚以私奔而公行之豈復以

人言為尾恤乎。若此年之春會于防。冬再會于穀。其夏秋二時。值恒星不見。星隕如雨。又加以大水無麥苗。情欲之感。既熾。則並有以天變為不足畏者。禍淫之道。庸或爽哉。夫人姜氏。婦人耳。雖罪在不贖。漏網者亦有之。若堂堂齊侯。其何以免焉。

八年

春王正月師次于郎以俟陳人蔡人

管見齊襄既於莊之四年。東滅紀。又將于此八年西伐鄭。乃微師于魯。與陳蔡也。于時齊侯以夏為期。而魯已于春王正月。師次于郎。以俟陳人蔡人。一若惟恐陳蔡之後至。而必導其先者。何哉。蓋公自五年冬。會齊伐衛。以納朔。明年朔入。冬。齊人來歸衛俘。而好兵喜事之意。遂勃。勃不可遏。故雖六年有螟。七年有星變大水。皆不加憂恤。而亟從

事于兵。戎有如此。凡公行例不稱師。此復但稱師而不言公者。欲見公之惟齊命是聽。實則惟夫人姜氏之命是聽耳。按前書齊人來歸衛俘。左傳曰。由文姜請之。殆非誣也。觀其會防會穀。一歲再行。豈能有所借以為名乎。可知七年之春會于防。將為齊之歸俘報其賊。冬再會于穀。又將為齊之伐郕通其約。與據此以推。則公之師次于郎。以俟陳人蔡人亦本夫人姜氏陰為之。而公特為其所驅役而已。又何事。曰。以公耶。再按郕在濮之雷澤縣。郎在兗州府之魚臺縣。相距非遙。故師次于此。至齊之會師伐郕。近舍宋衛而遠數陳蔡者。以郕與宋衛壤相錯。二國亦皆利其附屬故爾。

甲午治兵

晉見桓之十年。齊侯衛侯鄭伯來戰于郎。是郎為魯西境之要地。可知。隱之九年。城郎以為固也。桓之四年。公狩于

郎亦以田教大閱也。然則師次于郎。即治兵于郎。固其所已。治兵之說。公羊以為祠兵。注云。禮。兵不徒使。故將出兵必祠于也。郊陳兵習戰。殺牲以饗士卒。若今之祭旗纛。操練士卒。夫祠為祭名。祭必卜日。今按此日用甲午求之。其以治兵為祠兵。亦有據。王制。天子將出征。禡于所征之地。謂師旅所止祭名。以祭始造軍法者。如黃帝及蚩尤也。然禡為軍祭。而其字从馬。於義何所取。諸周禮夏官稱大司馬。說者以為兵之所資莫急於馬。故政官之長以是名。從可知。出師而祭于所征之地。曰禡。其意亦猶是耳。十二辰惟午屬馬。詩小雅曰。吉日庚午。既差我馬。差擇也。謂于屬馬之日。祭馬祖而卜之也。詩言以田擇馬。用午日。此言會師伐郕。舉禡祭以治兵。亦用午日。則仍以兵之所資莫急于馬。故然。

夏師及齊師圍郕郕降于齊師

晉見伐邲之役。齊侯主兵。前言師次于邲。以俟陳人蔡人。則其俟齊人不待言矣。此書師及齊師圍邲。則其及陳師。蔡師圍邲。亦不待言矣。經文互相足耳。及者。自邲而及之也。師及齊師圍邲。魯與齊同力。非特陳蔡之比。而邲獨降于齊師者。邲之意。殆欲悅齊。以起魯與。一說之。一怒之。則師必不和。而自相攻擊。觀左傳稱仲慶父請伐齊師。可見然魯究非齊匹也。邲不降魯。魯必怒其貳而欲終討之。邲獨降齊。齊必悅其服而欲遂舍之矣。故邲得以降解圍。而國未嘗失。至後文公十二年。猶見書邲伯來奔也。

秋師還

晉見六年秋。書公至自伐衛。此年伐邲。其秋但書師還。不書公至自伐邲者。以夏之師及齊師圍邲。邲降于齊師。在邲人獨知有齊侯。而不知有公。即陳人蔡人亦同知有齊侯。而不知有公耳。當其還也。回憶先之春王正月。師次于邲。

之。蚤與夫甲午治兵之勤。何為也哉。彼會齊伐衛而入衛。其冬猶有齊之師。俘此會齊圍邯而邯降。其冬並求齊之師。俘而不得也。亦足嗤已。

冬十有一月癸未齊無知弑其君諸兒

管見左傳叙無知之弑襄公。中間田于貝邱一段。忽見彭生為大豕射之。人立而啼。公懼墜車。傷足喪履。魂魄離散。入而殺之。則輕易如割。么脉已耳。天乎人乎。鬼乎賊乎。令千古為之神悚。

九年

春齊人殺無知

管見莊八年冬十有一月齊無知弑其君諸兒而自立。則既即位矣。至九年而齊人殺無知。書曰春。是非正月可知。

言不承之。於二月或三月亦止書時而不書月者。嫌於無知。雖
我猶或。以春。王正月。指為無知。踰年改元之月。故統之以
春。一若齊人之殺無知。自入正月而已殺之耳。左傳曰。初
無知。虐於雍廩。九年春。雍廩人殺無知。以事言。雖似逞。邑
人之私憤。以理言。則實伸國人之公義也。因是不書雍廩人而書齊人。

公及齊大夫盟于莒

管見齊無知弑襄公。據左傳所紀。連稱管至父而外。無以
名見者。則齊之大夫皆不與矣。及無知自立為君。惟其亂
黨是恃。又豈齊大夫所傾心翼戴者哉。於是僖公之庶子
小白奔莒。鮑叔牙奉之。子糾奔魯。管夷吾召忽奉之。以免
難也。未幾而齊人殺無知。其大夫在朝者。或與小白。或與
子糾。皆謀有以立之。惟小白長於糾。以次當立。糾不能讓
而與之爭。乃陰召所私之大夫。至于莒。以謀入齊。公亦欲
納糾于齊。以見德于糾。乃及齊大夫盟于莒也。莒。杜注。魯

地。鄆。鄆。縣。北。有。饒。亭。今。山。東。兗。州。府。嶧。縣。東。八。十。里。故。鄆。城。是。已。其。必。盟。于。饒。者。以。糾。不。當。立。而。爭。立。成。敗。利。鈍。非。所。逆。觀。惟。欲。同。好。同。惡。以。相。結。終。是。當。以。明。神。為。質。耳。若。小。白。之。當。立。有。國。高。以。為。內。主。非。其。他。大。夫。所。得。並。且。在。宮。為。之。輔。者。乃。鮑。叔。牙。其。量。能。函。蓋。管。夷。吾。台。忽。又。無。足。云。矣。以。此。內。外。同。心。及。齊。人。殺。無。知。之。時。自。言。逆。之。而。入。復。何。所。用。盟。哉。

夏公伐齊納糾齊小白入于齊

公。見。公。伐。齊。納。糾。亦。以。糾。不。當。立。而。爭。立。自。盟。說。之。大。夫。而。外。皆。不。欲。糾。之。入。也。故。必。以。師。伐。之。伐。齊。納。糾。而。卒。不。能。入。因。但。以。納。稱。焉。納。者。逆。而。難。不。當。立。也。入。者。順。而。易。當。立。也。當。立。則。當。有。其。國。此。小。白。所。以。繫。之。齊。齊。小。白。入。于。齊。則。遂。即。位。為。在。喪。之。君。矣。故。下。書。秋。七。月。丁。酉。薨。齊。襄。公。喪。必。有。主。國。亦。不。可。一。日。無。君。齊。小。白。之。入。于。齊。雖。

書于夏而齊人之殺無知則已書于春是又當即以此年為齊侯小白之元年矣喪無二孤國無二君公之伐齊納糾何為也哉

秋七月丁酉葬齊襄公

管見是年夏公伐齊納糾齊以小白入于齊而不受魯納若即以正兵伐之度不敵未敢戰也遂還乃秋七月丁酉齊將莖襄公公猶使人會其莖一似無所惡于齊者然其意蓋欲卒成伐齊納糾之舉使齊之人不為備耳說道也

八月庚申及齊師戰于乾時我師敗績

管見及者我欲之而汲汲也秋七月丁酉莖襄公至于八月庚申繼聞二十四日遂及齊師戰于乾時亦欲出其不意攻其無備耳而齊人則因夏之公伐齊以納糾弗克納而還必有乘間以圖再舉者每為之備及七月丁酉魯

使之。方來魯師之伐齊已出齊之人傾其必由齊地之乾時也。遂整旅待之。於是八月庚申及齊師戰于乾時。我師敗績。左傳紀乾時之戰曰。公畏戎路。傳乘而歸。蔡子張子以公旗辟于下道。是以皆止。據此則公幾為齊所獲。其士卒尚可言哉。如是而公之辱社稷為已甚。實當避位自責。故不稱公。以明其面目之無以對國人也。其敗稱敗績者。師出以律。于行陣必利整嚴。大敗則與俚語之亂如麻。同。詩陳風言不績其麻。亦是謂矣。乾時杜注。齊地。時水在樂安縣界。交流旱則竭。酒故曰乾時。今樂安故城在山東青州府博興縣北。時水在縣南。

九月齊人取子糾殺之

管見凡行師有伐亦有取。觀隱之十年宋人蔡人衛人伐齊鄭伯伐取之亦足證已。此年秋八月公欲卒納子糾以伐齊遂及齊師戰于乾時。齊大克我師敗績則齊之乘其敗績而取魯師者不待言矣。及九月而鮑叔師來言曰。

子糾親也。謂君討之。管召。讐也。請受而甘心焉。乃殺子糾于生竇。召忽死之。管仲請囚。夫生竇為魯地。殺之者為魯人。公本欲納子糾。何頓忍于子糾而殺之耶。徒以乾時之敗績。身幾不免。何能終以底人。故當鮑叔之帥師來。其脅魯以殺子糾。正如敵當敗績時。既伐之而遂取之。其勢何求而不得哉。胡傳云。取者不義之詞。前書納糾。不稱子者。明不當立也。此書殺糾。復稱子者。明不當殺也。或奪或予。於義各安。春秋精意也。仁人之于兄弟。不藏怒焉。不宿怨焉。親愛之而已。糾雖爭立。越在他國。置而勿問可也。必請于魯殺之。其不仁亦甚矣。按此斷總據小。白為兄。子糾為弟。立論以分息爭。以情教愛。乃見聖人為入倫之至。其筆削不能以贊一辭。再按經文取字。只就殺子糾言之。亦未盡其義。蓋有取而殺之者。為子糾。又有取而生之者。為管仲。欲使殺者魯不敢生之。欲使生者魯復不敢死之。皆其取之勢也。由是以據一忽之從子糾以死幸矣。彼鮑叔所以生者。惟管仲耳。故

管仲請囚。而召忽亦請囚。其並能

脫于室。幸而不以爲戰。平。至若私于子糾之妻。大夫之
來。王于說。後必從之。戰于乾。時雖未聞其終。子糾之
有。同。歟。于不。
我活。今已矣。

冬浹洙

管見明一統志。洙水在兗州府城東北二十里。又云在曲阜
阜陽五里。今湮沒無考。按太平寰宇記。孔子家在故魯城
即德門闕里之中。背洙而泗。則謂洙在曲阜者是。洙
爲魯都。其故城南北有洙泗二水夾之。亦其所恃以爲固
者。但洙之源流皆小于泗。今既不免湮沒。則古來之最易
淤塞。可知。魯以此年冬浹洙。沒者深之也。深則引水使出
而不伏流。且滿水使停而不疾。瀉以之限戎馬。衝雉堞。亦
設險守國之所應爲者哉。惟是前之因循。固已久矣。及
茲乾時敗績。以還。齊復帥師脅魯。直取子糾殺之。力既
於不能底人計。惟急于有以自保。於秋喪師。徒冬興勞。民

但云不得已而備
齊民將何以堪此

十年

春王正月公敗齊師于長勺

管見杜注。長勺。魯地。路氏曰。成王以商民六族錫虜公者。長勺氏。尾勺氏。此商民所居也。今莊之十年。春王正月。齊師至于長勺。深入魯境。報前魯師之深入齊境。而至于長勺時耳。而公乃能敗齊師者。由去年秋八月。及齊師戰于乾時。我師敗績。公僅以身免。恥之。遂憤然以修戰備。為是冬之浚洙。其有事于選士厲兵簡練。桀俊可知矣。是尊尚謀畧。雖魯人曹劌亦得請見以效其能。故當此春王正月。齊師深入。至于長勺。公急禦之。以劌代而遂有以敗齊師于長勺也。至若劌之論戰。公皆從之。其大兵以整為主。整則不可動。不可動則不可敗。而後能以整入。

劇之初不輕進。後不急追。惟欲一歸于整而已。自左
張其事。而設為問答之辭。或遂疑為浮夸而不實。而
其實然。又復指為權謀誦詐之說。于正焉。讀傳
者。只會其大意。則得之。無事拘文牽義為也。

二月公侵宋

管見此年春王正月。公敗齊師于長勺。幸矣。及二月而復
移長勺之師以侵宋。則胡為者。公益怒宋之。猶與齊而不
與魯耳。何以言之。五年冬。公會齊人宋人陳人蔡人伐衛
以衛侯朔出奔在齊。齊襄公主兵。以謀會納朔也。六年夏
六月。衛侯朔入于衛。于時齊師競却走王人子突。衛不逐
宋人。實與力焉。惟陳蔡從之而已。至八年冬。十有一月。襄
無知弑襄公。小白奔莒。子糾來奔。九年春。齊人殺無知。蓋
以糾在魯。將謀伐齊。以納之公。主兵與前齊襄之伐衛。無
朔其事一也。公豈不使行人請師于宋。而期其來會哉。其
夏之伐齊。納糾。宋人不與。宋殆以不欲失好于齊而辭之。

也。由是公獨伐齊。未至。齊小白先入于齊。納糾而奔己。乃於秋八月。復以師伐齊。庚申。及齊師戰于乾時。師敗績。九月。齊人又取子糾殺之。以視襄之會師于齊。襄之伐。衛納朔。舉事同而事之成敗乃大相反。恥辱莫甚。齊亦兼怨宋。何日而能忘之。值此年春王正月。公敗齊師于長勺。以為差足以報齊矣。而猶不能忘情于宋也。夫公之師永歸。遂乘敗齊之勝勢。以伐宋。亦姑借是以逞憤云爾。何嫌復構怨于齊人。宋人也耶。

二月宋人遷宿

〔管見〕隱公元年。書九月。及宋人盟于宿。殺梁傅。以燕邑。年則不得與八年。書宿男者。同指為國矣。且隱公求好于宋。非宋之志。則必入宋境。以就盟所。謂宿者。宋邊陲之邑也。據是以推。此年書二月。公侵宋。泛稱國名。而其被侵之地。實為宋邑之宿。可知非造其國都之謂。凡侵以異於為王。焚燬戕殺。攫奪其財物。子女以去。其邑中之喪其宗者。必

多。故此書宋人遷宿，亦遷其說。維冠難之民，置之他所，使
得寬其驚懼，以徐圖安定耳。讀者按其遷之時是何情形，
即可想其侵之時是何氣勢。此屬經文以聯叙為
中明應將二月公侵宋，三月宋人遷宿，作一串看。

丘 夏六月齊師宋師次于郎公敗宋師于乘

〔管見〕此年春正月公敗齊，二月公侵宋，則此書夏六月齊
師宋師次于郎，欲以報敗與侵之怨也。郎為魯西南之門
戶，魯屢城之，必為國之重鎮。外師宋師至其境，豈能不
而畏駭耶？其次于郎，固宜。師既次，則二國得以會謀，謀定
乃以齊師盤踞于郎，扼其城之守卒，使不得出。宋師絕後
顧之虞，銳意趨魯，以圖深入，乃遂自郎而至于乘，卽也。乘
卽在今兗州府滋陽縣，距曲阜繞三十里，實魯都左偏。
言魯公子偃覘其師曰：宋師小整，可敗也。宋敗，齊必還，請

擊之。公弗許。自雩門竊出。蒙畢比而先犯之。公從之。大敗宋師于乘邱。齊師乃還。被乘邱在今滋陽。郎在今濟寧之魚臺縣。相去一百七十里。宋師出而齊師在。郎能鎖其後。不得援其前。而宋師直指魯之因都而輕進。其志豈欲亡魯哉。不過以乘邱為魯都之近邑。思笑至而恣其暴掠。亦得如公之侵宋。適來擾亂我伯邑耳。其師之不整必矣。於時公子偃知之。先竊出犯之。公遂從之。此其敗宋師于乘邱者。亦誠非僥倖之比也。矣。惟是傳以蒙畢比異之。與城濮之戰。胥臣蒙馬以虎皮同。則近于祖。今營中惟藤牌軍或蒙以布而畫為虎文。非足威敵。特以飾觀而已。初不用虎皮。亦莫能盡供其用。況欲以之蒙而手我。

秋九月荊敗蔡師于以蔡侯獻舞歸

〔管見〕商頌駉武篇已而稱荆楚。蓋本為荆蠻。後以楚字替蠻字。故稱荆楚。至周封熊繹于楚。史記仍綴以蠻字。曰楚蠻。

嬰則以其易名為楚猶足。嬰之嬰耳。後及宣王南伐楚有
小戰采芑篇其卒章曰。蠻荆來威。皆絕不
言楚。可知楚之初見于春秋。其武王熊通。文王熊賁。以強
然于楚亦特斥其為蠻。以稱荆而已。前桓公七年夏。穀伯
綏來朝。鄧侯吾離來朝。穀伯皆在南陽。為楚所俘。乃奔魯。
以朝禮見。故書朝。以失國故名也。及莊公十年秋九月。
楚伐蔡。敗蔡師于莘。遂以蔡侯獻舞歸。此其侵陵中國辱
親引之。同姓罪莫大焉。固重加之。貶絕而稱荆。若曰。是蠻
也。並不得比于人數。何乃。僖公王哉。自是而後。十四年秋
七月。書荆入蔡。十六年秋。書荆伐鄭。並從此例。惟當二十
三年夏。荆使來聘。春秋特嘉其慕義自通而進之為人。書
曰。荆人。亦猶不遽目為楚也。其所由伐蔡之釁。莊十年傳
云。蔡哀侯娶于陳。息侯亦娶焉。息媯將歸。過蔡。蔡侯曰。吾
缺也。止而見之。弗賓。息侯聞之。怒。使謂楚文王曰。伐我。吾
求救于蔡而伐之。楚子從之。遂敗蔡師于莘。以蔡侯獻舞
歸。似為可據。但蔡侯入楚。以息媯語楚子。楚子滅息。以息

姊歸當在莊十一年及十四年七月。荆入蔡。使謂息姊歸
生堵敖及成王焉。未言楚子問之對曰。吾一婦人而事
二夫。縱不能死。其又奚言。楚子以蔡侯滅息。遂伐蔡。入之。
今計滅息以後。入蔡以前。中間幾歷二年。息姊歸何以遽有
二子。竊恐楚之滅息。以息姊歸或在此。荆敗蔡師。以蔡侯
歸之先也。顧與讀傳者共參之。杜注。莘。蔡地。在今河南汝
平府汝陽縣境。以蔡侯獻舞師。公羊曰。蔡侯何以名。獲也。
不言獲。不與夷狄之獲中。國也。此義正大。穀梁分疏以字。
謂以歸猶愈乎執。恐不確。試思獲一國君以歸。是
何等事。其可以不執。滅荆之惡而殺蔡侯之恥耶。

冬十月齊師滅譚譚丁奔莒

管見譚杜注。譚國在濟南平陵縣西南。今山東濟南府歷
城縣東南七十里。有譚城。左傳云。齊侯之出也。過譚。譚不
禮焉。及其入也。諸侯皆賀。譚人不至。齊師滅譚。譚無禮也。
譚子介莒同盟故也。按滅譚之內。如傳所稱。亦與晉文之

伐曹衛同皆屬惡其無禮從可知霸者之功業亦能施德而霸者之器量必不能不報怨也其於王道去之遠矣至若譚子奔莒已失國而不名豈謂其無罪哉舍東國之雄而與僻陋在夷之莒盟是自棄其國而早辦一奔所也春秋書齊師滅譚主意在小齊桓何用並責譚子為

十有一年

春王正月

夏五月戊寅公敗宋師于鄆

管見鄆杜注晉地當在今兗州府境與元年邢鄆鄆之鄆在都昌縣者為二按公之再敗宋師前于乘邱此則鄆者由宋師別取僻道不自卽入耳又前之敗諸乘邱非一朝夕之力也至此敗之于鄆則捷甚乃更紀其日為戊寅云

張氏洽曰。宋師再至再敗。兵禍旋及其君。魯雖再勝其國亦困于兵矣。

秋宋大水

〔管見〕宋之大水。據魯有聞見者書之可矣。公於去年夏六月敗宋師于乘邱。又於今年夏五月戊寅敗宋師于鄆。則宋雖大水。豈復使來告公而公亦使人往弔哉。左傳欲為宋公子御說。豫白其宜君。因謂宋公嘗答魯之弔災。有善辭出于御說。臧文仲亟稱之。非其實也。至論經文書宋大水之正音。張氏溥曰。兵敗于外。水災于內。宋高得而不亂。數語扼其要矣。

冬王姬歸于齊

〔管見〕莊公元年冬。書王姬歸于齊。其夏先書單伯逆王姬。又書秋築王姬之館于外。與此但書王姬歸于齊者不同。

公羊曰。何以書。過我也。穀梁同之。所謂過我。亦道經于魯而已。凡王姬嫁于諸侯。獨齊也哉。過我。則書。不過我。則不書。此論為定。

十有二年

春王三月紀叔姬歸于鄆

傳見紀叔姬紀伯姬之妹也。皆魯女。而先後歸于紀侯。伯姬卒。紀侯大去其國。舍魯將何適哉。後卒于魯。以失國之君不赴。不會。燕莫得詳其年月。而叔姬之居魯。以終其節必矣。及此年春王三月。乃書紀叔姬歸于鄆。則何也。昔紀季以鄆入于齊。鄆非紀季所有。亦與鄆之民雜處而已。無可歸。且紀侯去國。必取鄆廟之主。以行。則皆與其身同寄于魯。鄆亦無所謂宗廟也。何必歸度其時。齊桓圖霸。憐紀之國滅不祀。乃以鄆之入于齊者。還之紀季。使得守其宗。

言月禾介一
廟於。是。紀。季。迎。羣。廟。之。主。于。魯。而。紀。叔。姬。即。奉。紀。侯。之。主。
以。從。以。為。是。所。依。以。終。身。有。之。死。矢。靡。他。者。故。紀。叔。姬。歸。
于。鄆。耳。但。齊。桓。之。存。紀。于。鄆。不。復。其。國。而。但。反。其。邑。乃。小。
善。非。懋。功。也。未。可。與。後。之。殺。邢。城。楚。邱。一。例。故。春。秋。忍。而。
不。書。然。既。書。紀。叔。姬。歸。于。鄆。使。人。究。其。所。以。得。歸。
之。自。而。其。為。受。德。于。齊。桓。者。亦。何。嘗。泯。沒。也。哉。

夏四月

秋八月甲午宋萬弑其君捷及其大夫仇牧

管見左傳云十二年秋宋萬弑閔公子于蒙澤遇仇牧于門
批而殺之遇太宰督于東宮之西又殺之立子游杜注子
游宋公子未詳所系由宋萬之殺太宰督推之桓二年宋
督弑其君與夷至是為太宰者二十九年而宋萬卒加之

刃則其所黨之子游殆即殤公與夷之子與子游陰謀篡立使宋萬弑其君捷及其大夫仇牧此不得以復父讐為解也蓋自與夷被弑莊公馮立子游既北面事之則君與君可讐乎至易世為閔公捷則又當從敵怨不在後討讐也惟是殺太宰督最為有名然隱忍同朝者已久其胸中早無寢苦枕戈之意矣況乎假手宋萬未及不共戴天之太宰督而先戕其可與事君之大夫仇牧焉夫非以篡立為本謀而特假復讐為之飾說哉及冬十月蕭大心與戴武宣穆莊之族以曹師伐南宮牛于師遂殺子游於宋其討賊之義正矣再按宋之五族合共討賊其間殤公與夷之族不與則子游實為殤公之子無疑

冬十月宋萬出奔陳

管見宋萬出奔陳無足書書者善宋之能速討子游也蓋子游果立宋萬將為異戴之元輔是既殺一太宰督又即

增一太宰督矣。惟克討于游殺之。宋萬既無所倚。且懼誅。乃出奔陳。於是宋人得立桓公。御說。

十有三年

春齊侯宋人陳人蔡人邾人會于北杏

管見北杏之會。平宋亂也。其時蓋由宋立公子御說而因仍未寧。欲會諸侯以定其位。乃因齊桓霸業方新。遂推以為主。而約壤地近接之陳蔡邾以與焉。以是而會于北杏耳。然齊非侯伯。不可以主。會故正舉其本爵曰齊侯。非衰之也。至若宋為此會。而陳蔡邾之與于會。直若齊桓已受命為侯。伯然竟忘其為侯矣。惡得不一例稱人以示貶哉。杜注北杏。齊地。當在今山東兗州府東阿縣境。是宋與陳蔡邾皆往會之。不敢望齊侯出境也。亦見有奉為霸主而加推重之意。

夏六月齊人滅遂

管見遂杜注遂國在濟北蛇邱縣東北今兗州府寧陽縣西北三十里有遂鄉與濟南府肥城縣接界陳氏深曰遂國齊之後也及此莊十三年夏六月齊人滅遂遂之當滅其罪未聞以後之齊人殲于遂合觀之可得其概左傳稱十三年夏齊人滅遂而成之十七年夏遂因氏領氏工婁氏須遂氏饗齊成醉而殺之齊人殲焉蓋遂為齊後所由來既久後之苗裔各屬其族以四氏為最著凡遂之地必有非其族則莫敢入居者此其貌大邦而負固不服當視譚為加甚齊桓不能容先既滅譚至是復滅遂遂國自有取滅之道矣而春秋又特貶齊侯而人之者何也周官大司馬九伐之濫有負固不服則侵之用伐為攻險也既克則當滅是惟諸侯九命作伯得專征伐而後為之聲罪致討所以敵王愾也今齊侯非方伯而圖霸由北杏之會沒為推戴輒興師以滅遂焉彼遂國之狃於小不事大固有

罪矣。其得謂齊桓之擅專征伐以諸侯而無王者乃不有罪乎哉。

秋七月

冬公會齊侯盟于柯

管見柯杜注濟北東阿齊之阿邑今兗州府東阿縣地王氏保曰柯齊地而言公會則此會本齊侯之志也趙氏鵬飛曰公羊載曹子於盟齊歸汶陽之事經不書歸田况汶陽之田至戰之戰而後能取無足據者然以為桓之信自是結於諸侯則有之公伐齊納糾糾於桓為讐又敗齊師于長勺即之次齊又不得志魯之怨齊益未釋也今頓釋前憾而為是盟桓之心益休然有容矣張氏浦曰北杏之會宋陳蔡邾皆至猶未有魯也至公與盟而齊霸成矣反殺之會而為北杏忘長勺之敗而為柯盟桓之所以能為諸侯主也合觀數說而義已盡

十有四年

春齊人陳人曹人伐宋

管見去年春會於北杏。宋人爲之欲遂以齊桓爲霸主。藉其勢以定宋公御說之位耳。乃經年而宋亂卒未得平。殆由宋萬之黨猶多。竊憾立子游而不獲相保。復相與煽動子游之族以爲亂。必使宋公御說終於不得定其位而後已。以故此年春宋人請師於齊。且致陳師曹師以會之。使來伐宋。欲其同恤社稷以安靖已。而宋亂卒平也。於時齊桓已奉爲霸主。其威聲大著於波。遂恤鄰救患。非其志乎。又前此宋萬奔陳。陳從宋之請而縛宋萬。子游據宋。自從宋之族以殺子游。亦皆好惡同之者。以是會齊伐宋。自後宋之亂黨幾何不爲之絕跡也哉。但平亂非有功而專伐惡得無罪。故齊與陳曹之伐宋。雖皆其君自行。而春秋則一例稱人以貶之曰。齊人陳人曹人伐宋。明乎以霸

討。獲王。誅皆喪。
失其侯度云爾。

夏單伯會伐宋

管見張氏洽曰。魯自盟柯已平於齊而。未從其役。故因齊伐宋。命上卿帥師往會。示從伯之意。俞氏奉曰。單伯魯卿元年逆王姬者。左氏以為周卿杜氏附會。以為畿內諸侯。莒周有單子。非單伯也。若周之單伯。則當書曰。天王使單伯會伐宋。今先書春。齊人陳人。曾人伐宋。則知齊主兵也。夏單伯會伐宋。則知魯臣會伐也。按伐宋書春。會伐宋書夏。公羊以為後會殺梁。以為會事之成。亦允。且其會伐宋者。公不自會而使單伯。亦姑以踐柯之盟而已。其心豈嘗以齊之稱伯與魯之從伯為應爾哉。

秋七月荆入蔡

〔管見〕莊公十年。荆敗蔡師於莘。以蔡侯獻舞歸。蔡無君。必其太子穆侯盼盥其國矣。及茲莊十四年。荆入蔡。其志殆謂北方可圖。而先期滅蔡也。左傳以爲楚子因息媯之不言。特伐蔡以悅之。恐未必然。觀後莊十六年。荆伐鄭。鄭當中國之衝。而荆以兵爭之。夫非與齊桓。國霸之意。不約而同哉。

冬單伯會齊侯宋公衛侯鄭伯于鄆

〔管見〕去年春。齊有北杏之會。冬。有柯之盟。此年春。有伐宋之役。諸侯若宋。若陳蔡及鄭。若魯若曹。皆從齊。惟衛與鄭未至耳。及此年冬。單伯會齊侯宋公衛侯鄭伯於鄆。衛與鄭亦無不至。則從齊者。半天下。而齊之霸業成矣。是會也。亦主齊侯。而宋公貳焉。其然之。請會者。衛侯之志也。鄭伯特因緣以來而已。何以見之。杜注。鄆。衛地。會于衛。則其會之與事。必由衛矣。初。衛侯朔出奔齊。歷九年。而齊再伐衛。朔乃復入。是重有賴於齊也。及茲齊桓方霸。其盛勢。駕乎。

倍裏則為此。鄭之會以托國於齊不亦宜乎。若鄭伯笑之以庶筮適立四年而為祭仲所逼出奔蔡旋以強入權數與鄭爭。至此年夏六月鄭之子儀立十四年矣。突使傷瑕殺之及其二子。遂有全鄭假令齊桓以霸討加之豈得謂無名哉。然則鄭伯因衛侯之為會於鄭而往會之將自明其同欲以求悅於齊桓度亦有必然者矣。惟魯之於齊雖有柯之盟而其使單伯會伐宋者仍緩不逮事其為不事從齊可知。故其春不與北杏之會及冬而會於鄭公亦不與而以單伯來意蓋以王室既微敵相與推戴強侯以燕霸主非魯之猶秉周禮者所為也。似亦未可厚非。然單伯竟以大夫而會諸侯勢不免於仇尊出位又豈所謂禮哉。李氏庶以為開權臣之專未必始於此其慮遠矣。

十有五年

春齊侯宋公陳侯衛侯鄭伯會于鄆

管見再會於鄆。由陳侯請之。欲為齊侯堅鄭之從齊。以成
盟也。觀此年秋。鄭人侵宋。則鄭之不易與可知。是會也。亦
主齊侯。而宋公貳焉。仍請於衛侯。以鄆為會所。不易地。其
前從會之鄭伯。則亦使請之。非如魯。單伯之可會。可不合
也。於是此十有五年春。齊侯宋公陳侯衛侯鄭伯會於鄆。
夫陳侯首從北杏之會。再從伐宋之役矣。至是而復為此
會。於鄆者。以堅鄭之志。成齊之霸。所以為齊桓者。志亦勤
矣。故當會於鄆之日。齊侯次其班。而以陳先衛焉。蓋謂陳
為帝舜之後。周先王實尊禮之。以備三恪。使但次於宋公
可耳。其在衛侯。亦當與鄭伯並次。陳侯也。按齊桓當會而
次其班。進陳侯。雖公而亦私。其在會
者。莫敢強爭。則霸主之勢力。亦見。

夏夫人姜氏如齊

管見張氏洽曰。文姜不如齊。八年矣。至此復如齊。桓公欲
求魯好。以定霸業。而不之拒也。張氏溥曰。魯於齊北杏不

至盟柯則平矣。十四年伐宋會鄆。僅使單伯。公不親至。十五年鄆之會。魯無人焉。桓知魯君臣尚未協也。姜氏如齊而後同盟於幽。齊魯之讐始於淫人。其交之合亦以淫人。春秋無暇責魯莊。且以累齊桓矣。據二說推之。魯與齊盟柯而卒不專於從齊者。蓋文姜主政。欲終以讐齊。魯君臣莫敢異。故未協耳。及此年夏。夫人姜氏如齊。蒞齊。桓固有以招致之。非但因其自來而不之拒也。

秋宋人齊人邾人伐郕

管見汪氏克寬曰。石氏謂郕有二。郕黎來。乃小邾國。三國伐郕。乃宋之附庸。今考伐郕而後。經不書邾。惟書小邾。城成周之役。經書小邾。人而宋仲幾曰。郕。吾役也。昭二十年。傳稱郕申。杜氏云。小邾穆公子。必有所據。則郕必小邾。明矣。范氏甯曰。伐郕。宋主兵。故序齊上。趙氏鵬飛曰。郕。邾宋而宋伐之。連齊人者。僖公之命也。按莊公三年秋。郕黎來。

來來朝此與邾有隙而欲託其國於魯故爾邾為宋之附庸而來朝於魯其叛宋可知邾猶叛宋而豈得復親於魯也哉邾之先本出自邾以不相能而後起爭雖邾必怨之則知此年秋之伐邾邾之志也邾以前十三年春得從宋公會齊侯於北杏故邾之伐邾請宋主兵宋復將霸主之命以臨之於是首宋次齊而後及邾其實則專為邾之伐邾也邾與邾為同姓邾之伐邾則為滅同姓而宋與齊之合師於邾又為助之使滅同姓北杏之會宋奉齊桓以霸即伏齊桓以行霸討固如是其恃哉以故春秋一例稱人以貶之曰宋人齊人邾人伐邾或疑人之者以其將卑師少夫用師而君不行使卿大夫將之有不奉君命以行者乎以君命行即與君之自行等也然則此三稱人者並為貶其君與邾大人之統詞

鄭人侵宋

管見經云。鄭人侵宋。左傳曰。鄭人問之。而侵宋。其間之者。欲以乘其虛耳。時鄭人伐邾。宋以師與齊會之。師出則國虛。故鄭人乘此以侵宋也。鄭之怨宋。自桓公十五年秋。鄭伯哭入于櫟冬。公會宋公衛侯陳侯于袤伐鄭。宋公馮主之。十六年春。又會于曹。夏。公會宋公衛侯陳侯蔡侯伐鄭。亦宋公馮主之。皆伐鄭伯哭也。此其怨矣。鄭哭居櫟十八年。當莊公之十四年。乃使傅瑕殺子儀而并鄭。是年冬。齊侯宋公衛侯會于鄆。鄭伯哭與焉。十五年春。莊侯宋公陳侯衛侯再會于鄆。鄭伯哭亦與焉。秋。宋與齊助鄭伐鄭。鄭遂乘之而侵宋。計先時宋公馮之伐鄭。其有怨固然。然宋之君為棧。為御說。世已再易。而鄭哭之疾。起不衰。猶復與師以報之。不既乖敵。怨不在後。嗣之常哉。且鄆之會。至再與宋公禮讓方新。曾不幾時。而賴以兵戈相向。此其翻覆變詐。於在會之齊侯衛侯陳侯。又將何以對之。貶而稱人。亦直斥為凡有國者所不齒而已。

冬十月

十有六年

春王正月

夏宋人齊人衛人伐鄭

秋荊伐鄭

管見鄭背鄭之會侵宋。宋請於齊及衛。會師伐之。是為宋主兵矣。故宋序齊上。其與于鄭之會而不與伐鄭者。以陳侯耳。陳小。非鄭之匹。以處事外而弭讐。豈可也。伐鄭之役。宋主報怨。齊與衛助之報怨。皆主於黨同伐異之私。非公義也。故其時齊桓雖霸而亦一概人之欲使無以自別於宋衛云爾。

管見左傳曰鄭伯自櫟入。饋告于楚。秋。楚伐鄭及櫟。為不禮故也。按鄭伯哭以莊十四年。自櫟入鄭。及此已二年。未嘗告楚。若不知有楚。然以是為不禮也。楚憤於鄭之不禮而伐之。將謂北方可圖。鄭為要。且鄭哭以庶幾適以都耦國出師不患無名。伐之亦足以明霸討耳。惟當是年秋。荆伐鄭及櫟。鄭使櫟堅守以待。初不出師以禦之。仍足若不知有楚而不禮於楚之意。焉。楚不敢更進。益以師掠其櫟之野。遂還。再按經文。於秋書荆伐鄭。欲以見冬之鄭伯同盟于幽。實因乎此。茲鄭伯背鄭之二會而侵宋。宋請于齊及衛以伐之。是鄭已失好于齊桓矣。及茲而荆伐鄭。雖未嘗大致傷敗。亦終其能抗楚以杜其侵陵。然則何恃不恐而自外于齊之同盟于幽也哉。彼鄭伯習為翻覆變詐。無所用恥。前既並背鄭之會。後復羣從幽之盟。無不可者。

冬十有二月會齊侯宋公陳侯衛侯鄭伯

許男滑伯滕子同盟于幽

（原見）莊十三年春會于北杏。為平宋亂。則宋公為之。十四年冬會于鄆。鄆為衛地。則衛侯為之。十五年春再會于鄆。以陳遠而就衛地。則陳侯為之。皆以齊桓為霸主也。至是十六年冬十有二月齊侯乃拊諸侯之已會者而重之以盟。以幽為之盟所。因是而同盟于幽耳。杜注幽宋地。當在今河南歸德府考城縣境。則於齊魯鄭衛諸國遠近皆適中矣。是盟也。公實會之。何以不稱公。以去年夏夫人姜氏如齊而後齊魯之交合。則今之及於會以同盟者。乃夫人姜氏主之。於公何與乎。宋公陳侯衛侯鄭伯皆前列于北杏。及鄆之會者。惟蔡人以君出在荆。荆師又復入蔡。國雖孔亟。則求會于幽之盟。如其會北杏不可得矣。若夫會北杏者。有蔡人亦有邾人。即下所稱邾子克也。以宋會而邾及盟。則先卒。故其時同盟于幽。齊侯為主。自宋公陳侯鄭伯而外。並有許男滑伯滕子而邾子不在列焉。許

在今許州與鄭接壤。許男以慕齊侯之霸而與其盟。此當從鄭伯之後也。滑杜注。滑國河南緄氏縣。今河南府偃師縣南二十里有緄氏故城。即古滑國。攷偃師為京周地。在鄭之西。不應遠從霸主以盟于幽。惟案字記有滑州。春秋時為衛地。滑國當屬于衛。以衛侯來盟而從其後。蓋有之矣。滕近魯與邾國等。則齊侯為幽之盟。滕子先魯而從其後。以其盟亦與許男之於鄭伯。滑伯之子衛侯等固其宜也。至于許男之下公。殺皆增入曹伯。殆不足據。計曹伯終生入春秋以來。思二十一年為桓之十年。終生卒。終不聞有與他國為會。盟者。其子射姑繼立。實謹承先志。雖當齊桓創霸。桓莊十一年。一從齊人陳人伐宋以平其亂而已。其餘會北杏。會鄆。再介鄆。以及此同盟于幽。在曹伯射姑時。不願以國爵廁其間也。豈得謂其果與是盟。而經文固有缺遺哉。其盟稱同盟者。劉氏故以為殷同之同。同盟之禮見於現禮。為壇祀方明。方伯臨之。桓非受命之伯。假同盟之禮。平諸侯以尊天子。蓋自是始重也。按此書同盟于

幽乃統諸人。是盟者同。奉。桓為霸主。而遂使齊侯偕桓於方伯耳。劉氏看同字。正得經旨。汪氏克寬駁之。意主公羊同欲之說。乃謂襄九年。楚公子罷戎與鄭人同盟于茲。豈亦能分昭十九年。鄭人鄭人徐人。會宋公同盟于茲。豈亦能方明而用殷同之禮乎。然所引二盟。特見於左傳。春秋不書。亦不得泥以為定案也。

邾子克卒

管見邾子克與邾儀父為兩君。辨見隱公元年之盟于蔑。儀父卒不書。未命葬。為子也。邾之書子。書為自克始。甚後或書葬。遂書其諡。克則名之而已。亦從諸侯不生名。死則名之之例。

十有七年

春齊人執鄭詹

管見公伐皆以鄭詹為佞人。當有所本。凡佞為邀寵之媒。觀楚文王所寵之申侯。後奔鄭。亦有寵於厲公。則其先之寵鄭詹者。從可知已。詹有寵。必當有爵。削之而稱名。與彼者等。惡佞也。鄭詹在鄭。齊人何由執之。下書鄭詹自齊來。則此句齊人言之。亦謂鄭詹自鄭逃來耳。逃者有罪而逃。竄也。逃於齊而齊執之。齊甚早聞鄭之佞人。有名繫于鄭。而稱鄭詹者。故春秋特於其執書齊人。以是為衆欲也。亦聊有合于霸討之意云。

夏齊人殲于遂

管見據左傳所記。莊十三年夏六月。齊人滅遂而戍之。此十七年夏。遂因氏領氏。工婁氏。須遂氏。饗齊戍。醉而殺之。齊人殲焉。彼四氏者。名號著聞。夫非已滅。遂君之族乎。然相與作難於齊。雖復據遂而非齊之敵也。今者齊人殲于遂。幾何不至。遂人殲于齊哉。前此滅其君。後此並滅其族。是自求禍而已。但春爾遂人。不足為之深惑。三齊桓之初

滅。遂強而不義。莫由訖服人心。因置戍焉。而以兵力為禁。制及茲。詭謀頓作。惠生不虞。道使戍卒之屯。聚者泯泯。故禁一朝。同盡。可不謂國之大憂。可不為君之大戒與。

秋鄭詹自齊逃來

管見鄭詹之執於齊。由春至秋。歷三時。必當拘係之。禁錮之也。及是而自齊逃來。殆亦本其佞之譎說。以成此狡脫耳。但當來至於魯。初不聞魯亦執之。豈天下所稱有道之國。行將為佞人作遁逃主哉。按鄭詹自齊逃來。縱使非佞亦不得以為良。後僖公七年。盟于首母。傳稱鄭有叔詹堵叔師叔。三良為政。當鄭文公提之二十年。距此時凡二十五年。則鄭詹之在厲公二十四年者。與叔詹非一人矣。且鄭詹逃而被執。執而復逃。非有罪何。以然哉。罪必有因。由公穀皆以鄭詹為佞。則以佞得寵。以寵殺罪。正為逃字挾所由來。又豈得謂鄭詹之非佞哉。

讀春秋管見

卷三

莊公十七年

三六

冬多麋

管見麋亦鹿之類。但鹿色黃質白斑。夏至解角。為山獸。麋則色青黑。冬至解角。是為澤獸。耳。周禮職方稱河東曰兗州。其澤藪曰大野。後哀公十四年。傳云。西狩于大野。則澤之有獸。概可知。已。麋為澤獸。春秋於是年書冬多麋。蓋於澤見之也。爾雅釋獸。麋牡為麋。音九。牝為麋。音辰。其子為麋。音襖。其跡為繯。脚所踐處也。南方麋食澤草。踐土成泥。謂之麋皷。是其跡矣。絕有力。為狄。麋之屬有麋。似麋而長尾。說文以麋為麋屬。此殆其絕有力者與。何以言其多也。於時麋出於澤。凡其牡為麋。牝為麋。及其子為麋。絕有力為狄者。莫測其所從來。而率以僣俟羣友。其跡交亂于澤中。見者爭逐之。一國之人皆若狂。此前時所未嘗有。以是為異。故書。

十有八年

春王三月日有食之

傳見凡書日有食之時不當食而食也亦必於其合朔之日故此書春王三月日有食之雖用省文斷無有不知其然明日者王叔梁別為夜食之說劉氏微駁之詳矣

夏公追戎于濟西

傳見按下二十年冬齊人伐戎必非無因也蓋戎以此十有八年侵齊齊禦之而戎反齊將經魯之濟西公懼戎之犯我邊鄙也因及其反奔而追之耳其不書戎侵齊者以此年既書公追戎後踰一年又書齊人伐戎則戎之侵齊自見從畧可也

秋有蜚

管見詩小雅何人斯其末章曰為鬼為域則不可得舊說皆以域為射工本草列之蟲屬雖耕舍沙中人影成病博物者能詳其形狀何云不可得哉以是與鬼聯緝殊不敵竊意域非射工乃鬼彈也鬼彈與溪毒為類葛洪肘後方云溪毒中人似射工而無物春月多病之初狀頭痛惡寒二三日則腹中生蟲食人下部漸食五臟注下不禁雖良醫不能療也又南中志云永昌郡有禁水惟十一二月可渡餘月則殺人其氣有惡物作聲不見其形中人則青爛名曰鬼彈與溪毒何以異哉詩言鬼域之不可得所謂域者作如此看乃合然是域也惟南方多瘴癘則有之北方初無此害乃春秋於莊十八年書曰秋有蜚蜚同域蜚蜚之害人亦同詩言鬼域之域可不謂異災也與

冬十月

十有九年

春王正月

夏四月

秋公子結媵陳人之婦于鄆遂及齊侯宋公盟

〔管見〕媵者，妾之別名。鄆為衛地。陳人有居于鄆者，公子結以公命赴鄆之盟，乃奪陳人之婦以爲妾。故書曰公子結媵陳人之婦于鄆。鄆之盟何爲？欲盟魯也。十七年春，齊人執鄭詹，秋，鄭詹自齊逃來，魯容之，是主藏以保姦，足使鄭伯藉端，將有變于前之同盟于幽矣。以是而齊侯與宋公期于鄆，亦即期公之來會于鄆，欲以尋幽之盟也。及時公不至，而使公子結至，既無以愜齊侯宋公之心，而結乃假公事以濟其私，適媵陳人之婦于鄆焉，則當其盟

也。豈復知為奉君命之重哉。又豈復知所與盟者其齊侯為霸主。其宋公為王者之役哉。故連書曰。遂及齊侯宋公。盟。有一遂字。便見此結之盟。郵將以敦信明好。實以成兵造難也。是年冬。齊人宋人陳人伐我西鄙。職此之由耳。

夫人姜氏如莒

管見莊公時。初害于夫人姜氏之淫。繼則害于夫人姜氏之卑也。故當十五年夏。夫人姜氏如齊。而後十六年冬。公得同盟于幽。春秋之不書公。亦欲著其非能自主已耳。至是十九年秋。忽書夫人姜氏如莒。後于二十年春。王正月。又書夫人姜氏如莒。此豈若先之如齊者。猶是其兄弟之國哉。胡以一如莒。再如莒也。由此年冬。書齊人宋人陳人伐我西鄙。推之。在夫人姜氏。蓋知結之盟。郵公不親往。齊必會師來伐。故乞師于莒。而如莒。既來伐。而西鄙無失。莒必以師助之。故復拜師于莒。而如莒也。夫人姜氏主政。居然一魯君。直當與他國之君分庭抗禮。絕無忌憚。有如此。

冬齊人宋人陳人伐我西鄙

管見鄆之盟惟齊侯宋公而已及是伐我西鄙陳人亦以焉則以公子結腰陳人之婦陳人往愬于陳侯故陳侯亦復白于齊侯宋公而遂會伐之耳皆稱人者貶其以私憤稱兵若行卿行總無所區別非將卑師少之謂也西鄙當即前之追戎于濟西所在以其在邊陲故亦以西鄙稱

一十年

春王二月夫人姜氏如莒

夏齊大災

管見說文災天火也按災字从火又春秋於水旱蝨螟實分別書之則凡書災及此書大災並指火言可知且宣之

十六年書成周宣榭火。指出火字。即得為御。原毫社。宋衛陳鄭之諸言災者。作注脚矣。復何待他求哉。孫氏覺曰。大者非常之辭。大水大災之大意同。

秋七月

冬齊人伐我

管見我在徐州之域。與齊魯近。此書齊伐我。報我之越魯。以侵齊。前書公追我。却我之逃齊。而犯魯也。我。不利于齊。又復被逐于魯。則春秋畧其侵齊。不書亦正有當畧者。

二十有一年

春王正月

夏五月辛酉鄭伯突卒

管見鄭莊公寤生之世子忽及子亶子儀皆不得其死惟突稱鄭伯而書卒其亦幸矣

秋七月戊戌夫人姜氏薨

管見當時國君之凶惡無甚于鄭伯突者夫人之淫惡無甚于夫人姜氏者是年以夏五月辛酉書鄭伯突卒旋以秋七月戊戌書夫人姜氏薨豈不大快人心也哉

冬十有一月葬鄭厲公

管見前書鄭伯突卒以國爵冠之見鄭之不遂亡猶賴有突也此書葬鄭厲公諡法殺戮無辜曰厲則存此惡諡而突之生平已該可無事更加貶絕矣按鄭伯突先文姜兩月卒文姜終得美諡曰文突乃諡厲惡極矣而其子文公

捷莫能改者。迫于王。朝之。臣故爾。傳稱此年夏。與號公同
伐王城。納惠王。殺王子頹。及五大夫。初。子頹篡立。享五大
夫。樂及徧舞。及納惠王。鄭伯享王于闕西辟。樂備。原伯曰。
鄭伯效尤。其亦將有咎。五月。鄭伯笑卒。當其卒也。王臣如
原伯之徒。與他族被殺之懷怨者。必皆曰。鄭伯笑卒。當謚
以厲。比葬。王使人會葬。王臣奉王命。歸之。謚以厲。稱諸侯
盡聞之。其能改乎。至葬之緩。不如禮。鄭伯八月始
葬。文姜亦七月始葬。其故未聞。蓋皆適然已耳。

二十有二年

春王正月肆大雩

〔晉〕見肆放也。去其拘係而釋之也。凡有罪者。是過而非惡。
曰雩。大罪為惡。今名之以大雩。則並得從宥。過無大之例。
六。莊公何為為此。蓋聽佞人之言。欲廣天地春生之德。以
祈娶婦生子。云爾。按莊公以十四歲即位。既歷二十二年。

通計之。凡三十六歲。而猶未娶婦。則何以故。度必由其母
文姜主政。不欲使莊公速有嫡子。則他時可惟所欲。立遂
得長專國柄耳。及是夫人姜氏薨。乃謀納幣于齊。其先時
豈得忘情於繼嗣之大事哉。又按莊公十七年。齊人執
鄭詹。公殺皆以爲侯人狄。鄭詹自齊逃來。公羊傳注。謂痛
魯之知而受之。信其計策。以取齊淫女。丹楹刻桷。卒爲後
敗。其言本春秋說文。殆不得以爲誣。而不信也。侯人進說
必中人君之隱。將葬小君文姜。即謀娶齊女。既由侯人鄭
詹計之。則其春王正月先肆大青。以沛非常之故。宥。即將
卜祚。屑來錫。以收其報者。亦必由侯人鄭詹之出。謀發處
無疑矣。

癸丑葬我小君文姜

管見莊公即位幼弱。國政必待決于文姜。久而益專。公則
惟命是聽已耳。及是以卒而葬。其先蓋由夫人姜氏自謂

主政二十年。以母道而兼君道。不得復從先君桓公之謚。當別自為謚也。又以謚法。開土服遠曰桓。開土兼國曰桓。義取於武。婦人無武事。以文為謚可矣。公從之。自是以後。魯國從而效尤。凡夫人之死。皆為之別立謚。故春秋書之以明。葬夫人之失其紀綱。自葬我小君文姜始也。後之因沿不改。豈不悖哉。

陳人殺其公子御寇

管見 邵氏寶曰。御寇。陳世子也。何以殺之。欲立嬖姬子款也。而歸之陳人者。何。陳人之志猶公之志也。此論極得當時情事。蓋御寇本世子。陳侯欲立嬖姬子款而不立。御寇故不稱世子而稱公子。觀後僖公七年。盟于甯母。稱陳世子款。八年。盟于洸。再稱陳世子款。則由既殺御寇而立之耳。豈本為世子也哉。按陳嬖姬之欲傾公子御寇。陳夫人憂之。見陳詩防有鵲巢二章。序曰。憂嬖賊也。以言中傷為護使人戕害為賊。皆嬖姬之陰為之。故其殺公子御寇者。

書陳人。初非陳侯使殺之也。但御寇本世子而書公子。陳侯將廢適立庶。此即殺御寇之所由來矣。然則春秋書陳人殺其公子御寇。不實見為陳侯殺其世子御寇也。與至若嬖姬之譏御寇。而遂使陳人殺之。在陳侯絕不殺御寇之寬。以歸怨嬖姬者。度其護言之入。必謂君愛款而御寇憾不早為世子。私與公子完及顓孫謀殺款。若使其志竟成。又將何事不可為哉。此足以滋陳侯之大惑矣。時陳侯之有國。先由厲公躍。傳其弟莊公林。林復傳其弟宣公杵臼。此陳侯者。即杵臼是已。攷左傳云。陳厲公蔡出也。故蔡人殺五父而立之。生敬仲完。其少時。周史筮之。言曰。此其代陳有國乎。惟顓孫未詳所為。或亦即為莊公林之子耳。及茲陳人殺其公子御寇。而厲公之子敬仲奔齊。莊公之子顓孫先並奔齊。復自齊奔魯。則陳侯知款之終將有國。其前二君之嗣。皆無有偏處以生其覬覦者。於是立款為世子。代御寇。厥後敬仲在齊。卒號為口氏。遂篡齊。亦自此陳人殺其公子御寇始也。此書陳事。並得暗包齊事。又春

秋筆法之伏案為最遠者

夏五月

管見此書夏五月應合下秋七月之盟于防言請盟自夏五月成盟當秋七月總為三月而接經兩時不得單稱夏又不得單稱秋故書夏五月即聯書秋七月以著此盟之始事終事其約結大不易耳

秋七月丙申及齊高傒盟于防

管見防之盟魯以夏五月請于齊侯齊侯許之公遂如防以待及遲之又久食稱齊侯將至而未見其果至也已而秋七月矣其戾止者非齊侯乃高傒耳因以丙申及高傒盟于防焉是則公自夏五月以來其有望于齊霸主之照臨以先我國家者卒乃敵其大夫而輕君體以自抑故春秋不書公欲以著此盟之恥莫甚也然亦何非公之所自

取哉前十有九年盟于鄆。桓欲盟魯侯也。魯侯不往。而以公子結往。此二十有二年盟于防。魯莊欲盟齊侯也。齊侯亦不來。而以高偃來。其相報宜有然者。但齊之高偃以貴卿驕抗。又非魯公子結之比也。公復何以堪之。

冬公如齊納幣

管見前十有九年冬。齊人宋人陳人伐我西鄙。齊主兵。夫非有怨於魯哉。及茲二十有二年。莊公將乞婚于齊。先為防之盟。以釋怨修好。因是重之以婚姻。以故秋盟于防。冬則納幣于齊也。穀梁曰。納幣大夫之事。公親納幣。非禮也。故譏之。是矣。劉氏故以為並譏其喪娶。然公自納幣以後。二年方逆女。則律以喪娶之說。似苛。

二十有三年

春公至自齊

管見按此年春書公至自齊夏再書公至自齊幸之也蓋先之如齊納幣為非禮後之如齊觀社亦為非禮而春適有祭叔來聘若非公至自齊無與受其聘也不將以如齊納幣之非禮聞於祭伯乎夏復有荆人來聘若非公至自齊亦無與受其聘也不又以如齊觀社之非禮聞於荆人乎其得幸而不見節於祭伯荆人者徒以公至自齊故耳然則公之越境或如下稱秋及齊侯遇于穀冬會齊侯盟於扈乃依於禮也非此類者烏可以輕出哉

祭叔來聘

管見祭叔為王臣亦無私交於諸侯而得以聘稱者經書來聘必王使之也其不書王使者何蓋以往年桓公薨既葬及莊公元年冬王使榮叔來錫桓公命榮叔之與祭叔其為王朝之世大夫同矣當二十一年秋夫人姜氏薨二十二年春葬我小君文姜莊公殆因王之前錫桓公命遂使請於王而欲王之並錫文姜命耳然先王之制惟使婦

夏公如齊觀社

從夫謚以明所屬而已。今夫人姜氏不繫之桓公而別謚以文曰文姜。此命豈可錫乎？王之不許固宜。而王猶不欲自拒其請之犯禮。乃使祭叔來聘。俾得婉謝。諸存問之餘焉。是雖未嘗錫文姜命以壞先王之制。而在王之微弱。不得中嚴諭告其體統。則無復存焉者矣。故但書曰祭叔來聘而不書王使。亦謂王有此使固已失其所以為王云爾。

啓見公如齊觀社。非觀其祭社也。乃觀其合社之人。以蒐軍實耳。齊以社計地。亦即以社治軍。左傳昭公二十五年公孫子齊。齊侯曰。自莒疆以西。請致千社。又哀公十五年。傳云。昔晉人伐衛。齊為衛故伐晉。冠氏。喪車五百。因與衛侯自濟以西。禚。媚杏以南。書社五百。此其以社計地也。蓋齊自管仲經國。以五家為軌。十軌為里。凡五十家共一社。舊註依古法作二十五家為里者。非是。推之四里為連。二十里為鄉。皆以里計。則皆可以社計矣。此所謂作內政也。

由是以寄軍令。五家為軌，故五人為伍，執長帥之。十軌為里，故五十人為小戎，里有司帥之，即一社之人也。推之四里為連，故二百人為卒，連長帥之，二十里為鄉，故二千人為旅。鄉良人帥之，然則四里為連之二百人，即四社之人。二十里為鄉之二千人，即二十社之人矣。故地以社稱，而軍亦以社稱焉。其不稱軍而稱社者，管子謂桓公曰：「君若正卒伍，修甲兵，則大國亦將正卒伍，修甲兵，則難以速得志矣。君有攻伐之器，小國諸侯有守禦之備，則難以速得志矣。君若欲速得志於天下，諸侯則事可以隱令，可以寄政。」注云：「匿軍令，託於國政。若有征伐，以國不知，則大國不及爭，小國不及拒，故可以速得志。」此以不稱軍而稱社之意，與社為齊軍之統稱，則公之如齊，觀社必當其大閱也。管子之治軍，自軌里連鄉以上，五鄉一帥，故萬人為一軍。五鄉之帥帥之三軍，故有中軍之鼓。有國子之鼓，有高子之鼓，其大閱之集衆，庶梗概具已。然周官大司馬之職，仲冬乃教大閱，而齊乃於夏者，殆亦管子酌於古法而易之。

猶之執里連鄉之衆。其數不盡合於自來伍兩卒旅之衆耳。夫軍法本以齊之。太公為宗而管子又參之。變通以善其用。則公欲往觀。是皆其所得藉口也。故當時雖有善諫如曹劌者。莫能與公之必聽焉。至其往觀之私意。李氏廉曰。穀梁以是行為尸女尸之云者。感其車華其服炫惑婦人而盡其心要其從已。是之謂無別。故書以責之。按此說亦中其隱。國家莫炫赫於軍實。或帷婦人使得與觀。亦事之必有。公貌美。見齊風之猗嗟三章。值茲納幣方新。復來觀社。與齊侯左右周旋。彼所惟之婦人。豈得不羣為注矚也哉。

公至自齊

荆人來聘

管見中國為華夏。遠夷為鬼方。以其無中華文物之觀。故以鬼醜之。鬼則不可以為人矣。人之稱在中國則賤之。在

言春秋
蠻夷則進之也。孫氏復曰：荆於莊十年敗蔡師於莘，始見於經。十四年入蔡，十六年伐鄭，皆曰荆。此稱人者，以其修禮來聘，少進之也。此說是。觀後二十八年書荆伐鄭，仍不稱人，則可見矣。

公及齊侯遇于穀

蕭叔朝公

管見公及齊侯遇于穀。穀雖齊地，在今兗州府東阿縣境，則齊魯之交也。齊侯至穀，公聞之，以其近魯界而往遇焉。亦欲因前之納幣申情，而盛稱其觀社以明謝耳。於時蕭叔之來朝者，既至魯，而公已出，遂如穀以朝公，非得已也。蕭君名叔，以附庸未命稱名。與隱公元年之書鄭儀父一例。杜注：蕭，宋邑，沛國蕭縣，今縣屬江南徐州，縣北十里有蕭城。按蕭為古國名，其始封未詳。以近于宋為宋之附庸耳。杜注指為宋邑。孔疏遂謂宋桓公立大夫蕭叔，大心有

功。馬。宋。人。討。以。為。附。庸。大。宋。雖。公。爵。安。能。以。蕭。叔。大。心。有。功。輒。割。其。邑。以。稱。附。庸。小。國。而。立。大。夫。為。之。君。乎。是。豈。以。經。文。書。蕭。叔。與。傅。稱。蕭。叔。大。心。者。有。兩。字。相。合。故。附。會。而。為。之。說。如。此。其。實。非。也。至。於。蕭。叔。朝。公。即。繫。之。公。及。齊。侯。遇。于。穀。之。下。亦。聊。以。誌。用。權。宜。之。無。害。于。禮。者。凡。諸。侯。有。會。盟。之。禮。亦。有。遇。禮。此。公。以。遇。齊。侯。于。穀。而。如。齊。既。非。先。時。之。如。齊。納。幣。與。夫。如。齊。觀。社。之。非。禮。矣。又。納。幣。之。至。自。齊。祭。叔。來。聘。王。臣。也。觀。社。之。至。自。齊。荆。人。來。聘。大。國。也。故。幸。其。受。之。於。魯。者。適。得。如。禮。若。夫。蕭。叔。為。附。庸。之。君。屬。于。大。國。為。之。役。其。視。冠。于。大。國。諸。侯。之。王。臣。尤。為。懸。絕。矣。然。則。公。及。齊。侯。遇。于。穀。而。蕭。叔。來。朝。朝。雖。重。于。聘。以。其。未。命。爵。而。輕。之。則。公。之。于。蕭。叔。不。以。朝。禮。見。之。于。穀。即。用。遇。齊。侯。于。穀。之。遇。禮。見。之。以。答。其。來。朝。夫。非。猶。是。用。權。宜。之。無。害。于。禮。者。與。公。穀。總。以。受。朝。于。外。為。非。正。其。持。論。未。免。過。拘。

秋丹桓宮楹

管見穀梁曰禮天子諸侯黝堊大夫倉士黹丹楹非禮也按黝為黑色倉青色黹黃色堊為塗飾之通名黝堊雖有異於倉堊黹堊而謂天子諸侯同用之恐未必然竊意色之有丹以赤見周人尚赤則天子之於廟楹當用丹諸侯則黝而已惟魯得以天子之禮祀周公是為太廟應有丹其楹者太廟而下之四親廟必無之至莊公二十三年秋為將娶齊女而欲示之以夸大遂丹桓宮之楹預為夫人之廟見崇其飾也桓宮為莊之考廟以上有王考廟有皇有顯考廟其浸而皆丹其楹以同於太廟而僭天禮者豈得已哉故春秋書之以著其所由始焉

冬十有一月曹伯射姑卒

管見昔曹伯終生在位五十五年及魯桓十年特書春王正月庚申曹伯終生卒計曹桓自三年春不書王譏天下

之無子也。乃於曹伯終生獨有之。見當時諸侯之事。惟此一人而已。以其未嘗有私相會盟征伐之事。故也。至其子射姑繼立。在位亦三十一年。謹承父志。桓創伯有北杏之會。又有幽之盟。意以諸侯羣來。則無王亦皆不與。惟會北杏之明年。書齊人陳人曹人。先由宋萬弑其君提。立子游。宋大夫蕭叔大心合戴武。穆莊之族以曹人伐南宮牛於師。遂殺子游於宋。是亦臣賊子人人得而誅之之法也。迫其黨猶未靖。於是復會齊侯陳侯伐宋。以卒平之。亦欲終前此誅亂賊之意。已至惟齊桓主兵。志在圖霸。特假公義以濟私情。故人齊侯而曹伯亦與陳侯並一例人之也。春秋豈嘗不諒其心。而謂此征伐者之無王哉。至是莊公二十三年冬十有一月。曹伯射姑卒。蓋誠不愧為曹伯終生之子矣。以此為存順而沒寧。其庶幾乎。

十有二月甲寅公會齊侯盟于扈

管見去年自夏五月。至秋七月。公欲會齊侯盟於防。齊侯不至。而高侯來盟。雖甚。恥之。而其願未已也。及冬。而公如齊。納幣。今年夏。公復如齊。觀社。且及齊侯。遇于穀。焉。其遇穀之時。必將。語及防之盟。未得邀其親往。遂再請之。故及茲冬十有二月甲寅。公會齊侯。盟于扈。杜註。扈。鄭地。在滎陽卷縣西北。後漢志。卷縣有扈城亭。今河南開封府原武縣西北扈亭是也。按齊魯二國為盟。何以遠及鄭地為觀。後文公七年。公會諸侯。晉大夫盟于扈。十五年。諸侯盟于扈。十七年。諸侯會於扈。宣公九年。晉侯。宋公。衛侯。鄭伯。曹伯。會于扈。成公十六年。季孫行父及晉卻犇盟于扈。昭公二十七年。晉士鞅。宋樂祁犁。衛北宮喜。曹人。邾人。滕人。會于扈。可知。扈為四達之區。故會盟者。數數於此也。齊得魯然後霸業成。今既結之以姻好。又復質之以明神。其會為盟。其盟在扈。以是使聞於宋。衛。陳。鄭。曹之諸國。於勢甚便。豈不足以增重於齊。而多然稱霸也哉。

二十有四年

春王三月刻桓宮桷

管見說文。桷方曰桷。孟子曰。椽題數尺。題。頭也。即桷之當簷者。今於其數尺間。嘗以木刻為斗形。差大。又刻為升形。差小。斗與升。層疊錯互。別刻曲木橫施。使縱屬其上下左右。皆叢簇於桷。以為桷之飾。其斯之謂刻桷與。若但就桷求之。其端不過方四寸。雖用刻而施巧無多。且當簷為最高。自下遠矚之。其刻文亦不甚了了也。按前書丹楹。此書刻桷。皆據其成功時為詞。丹楹者。傅色。刻桷者。鏤文。功有難易。故成有先後也。又丹楹刻桷。必皆天子之廟制。而魯用之於周公之太廟耳。茲以去年秋。丹桓宮楹。復以今年春。刻桓宮桷。皆逞私意以倣效為之。絕不計其為過制也。夫安得不並書於春秋以謹其始哉。

葬曹莊公

管見魯桓公十年。春王正月。曹伯終生卒。夏五月。葬曹桓公。此莊公二十三年。冬十有一月。曹伯射姑卒。二十四年。春王三月。葬曹莊公。二君皆適合於諸侯。五月而葬之。禮通計在位凡八十六年。初未嘗有過舉。為春秋所貶斥。國家無患。臣民共女。可不謂賢乎哉。

夏公如齊逆女

管見穀梁曰。親迎。恒事也。不書。此其志何也。不。正。其。如齊也。固已。但二十一年冬。公已如齊。納幣。此年立。如齊逆女耶。然則既議親納幣之非禮。可不再議其於齊之非禮矣。其議者。議其如齊逆女之踰一。時宜重讀。觀後之公。至自齊。書秋。下書八月丁丑。入是秋。為秋七月。可知。後書秋。為秋七月。則

臨為夏四月乎。自夏四月。公如齊。逆女。至於秋七月。而後公至。自齊。幾於公。逆女。而女不受。逆矣。又何暇指其如齊之非禮。而與前之納幣同議也哉。

秋公至自齊

管見公之如齊。逆女。親迎也。親迎。必先告期。何以公之逆女。既踰夏之一時。而女猶不至。獨書秋之公至自齊哉。坊記。昏禮。親迎。見於舅姑。舅姑承子以授壻。恐事之違也。以此坊民。婦猶有不至者。鄭注。舅姑。女之父母也。孔疏。恐事之違。恐女於昏事乖違也。陳氏集說。末世禮壞。故有男行而女不隨。亦有親迎而女不至者。以此言之。公之如齊。逆女。姜氏有違心也。所以者何。後書八月丁丑。夫人姜氏入。穀梁傳曰。其言入。難也。夫人不偕。不可使入。與公有所約。然後入。六書故。偕。曲背。見鼎銘。屈之意耳。何氏休曰。約者。約。達。媵。妾。也。此為得姜氏之情矣。蓋公當是時。既三十七

歲。又在位二十四年。而始娶夫人。其媵妾必多。且有子也。觀公之有太子般。其由來見左傳云。初。公築臺臨黨氏。先孟任從之。闕而以夫人言許之。割臂盟。公生子般焉。闕公啟方。亦莊公子。莫詳所自出者。其微賤可知。公之內政早素矣。以姜氏有淫性。必謀專寵。其心豈不熟料及此。於是因公之來逆女而不受逆。竟過昏期。此易所謂歸妹愆期也。公以逆女如齊而不得女。又何以反魯耶。乃不得已而待之。待之而自夏入秋。亦即易所謂遲歸有時也。遲為待義。此數月中。必有以遠媵妾之約。通其意於公者。是女之以令德來。教公安得不惟命是聽哉。約既定。始改昏期於八月丁丑。而姜氏亦無言。因是而公之父於齊乃得反也。故書曰。秋。公至自齊。媵其逆女而為女。所牽制有如此。

八月丁丑夫人姜氏入

常見昏禮。親迎而婦至。主人揖婦以入。及寢門。揖入。升。自而附。皆主人先而婦從之。所以導婦入也。此特稱夫人姜

氏入。竟若不知有公者。然其驕橫之意畢具。

戊寅大夫宗婦覲用幣

管見覲夫人者宗婦而必稱大夫宗婦則何也。以大夫之同姓為宗故其婦各取諸異姓亦得從其大夫而稱宗婦。宗字繫之大夫也。且其稱大夫宗婦既別於異姓之大夫其婦不為宗婦者並有別於同姓之非大夫而其婦亦不稱宗婦者故大夫宗婦四字皆不可省。覲用幣幣者玉帛之屬取其貴重華美而已。不用女贄之椒栗棗棗亦無取於男贄之禽鳥特使其大夫宗婦苟以姻悅夫人為主安問禮哉。

大水

管見公方大昏而國乃大水娶夫人者皆願與君共東社稷宗廟值茲天作淫雨害於棗盛賀者在門弔者在路其

兆之不祥莫甚焉獨不知公當宴爾新
昏亦嘗有恤民之心以引咎自責否

冬戎侵曹曹羅出奔陳赤歸于曹

郭公

管見戎即徐戎也界曹之東南自春秋以來曹伯終生及其子射姑皆賢君諸侯絕無加之兵者戎亦不聞侵之值茲射姑卒以今年春三月始書莖曹莊公胡以至冬而戎遂侵曹也其故由曹有公子赤者欲去已立之世子羈而代之故特使戎來侵以迫曹羈之出奔耳何以微之曹伯射姑於去年冬十有一月卒世子羈立國不可竟年無君則今年正月當改元為曹伯羈之元年矣今考列國世次曹伯射姑卒之三十一年後即接僖公赤之元年是赤之令歸於曹羈羈自立遂沒曹伯羈之元年直若前此並未嘗立羈者故春秋不書曹伯羈亦不書曹世子羈特為赤

獨其無君民靖之心曰曹。曹而己。而篡立之罪自著。曹逼於我而出奔陳。亦得歸於曹矣。然赤之篡立外。假威于戎者。內實資謀於郭公。故其歸曹也。先歸於曹之郭公。爾郭公二字。當聯上。亦歸於曹。作一句讀。玉篇郭姓。王季之復亦曰號叔之後。此其所由來矣。但號叔封於東號。鄭早滅之。此當指西號之在今陝州者言。乃號仲之所封也。郭公出自號。嘗為周之三公。殆以有罪而逃于曹。與桓五年之州公如曹同。且變易稱號。使曹人不可識別。乃從號之稱音而異其文。曰郭。蓋以前所受爵為之。字曰郭公。遂居曹而有終焉之志。人但知為曹之郭公。夫孰知為周之號公也。哉。於時惟赤知之心。竊料其為周室輔。遇事必多權略。因以欲圖篡立。與為密謀。赤之招致我寇。攻逐曹。羈紲即由郭公決此策也。至於羈出奔而赤歸有君在陳有君之大夫在曹。則歸後之變生。不測所當壽及者。正多矣。又安得不急就郭公以謀萬全無患也耶。

二十有五年

春陳侯使女叔來聘

管見孫氏覺曰。諸侯之大夫。天子賜之邑。使之歸國。則書氏書字。鄭祭仲。魯單伯。陳女叔。是也。按祭單皆邑名。女亦邑名。可知。左傳所稱官有世功。則有官族。邑亦如之者。此耳。陳氏深曰。魯自莊公十九年。公子結媵陳人之婦。遂與齊人宋人伐魯西鄙。今乃來聘以結好。是固然矣。按莊公二十二年。左傳云。陳人殺其太子御寇。陳公子敬仲奔齊。顓孫自齊來奔。皆謂為御寇之黨云爾。攷陳自厲公躍以來。兄弟傳國。次陳莊公杵臼。次及此陳侯杵臼。傳稱敬仲為厲公之子。則顓孫必為杵臼之子矣。由陳侯欲立嬖姬子秋為世子。殺御寇。遂使公子敬仲出奔於時。敬仲奔齊。而顓孫復自齊奔魯。伐之。陳能伐魯無怨乎。若卒不忘報復顓孫在魯。必介。而為之怨惡者。不可以下。

圖也。故於茲二十五年春，使女叔來聘，特先以禮下之。乞魯君釋怨而敦好，庶使顯孫之抱私憾，以鬱鬱於魯者，無緣借釁興戎，可不致悔於却速內憂而轉滋外患矣。斯非其使聘之隱情也哉。

夏五月癸丑衛侯朔卒

〔管見〕莊十九年傳，初王姚嬖於莊王，生子頰，有寵。莊王卒，孫立為惠王。及二年，周大夫蕩伯庸少子禽祝跪及周士石速作亂，因蘇氏秋五大夫及子頰以伐王，不克。奔溫。蘇子奉子頰以奔衛。衛侯朔與南燕君伐周，遂立子頰於厥所由。茲以桓之十六年，衛侯朔出奔齊，實因莊王命立公子黔牟而逐朔。朔居齊八年，至莊之五年，齊會宋魯陳蔡納之。六年春，又有王人子哭救衛黔牟。至夏六月而朔入衛，其怨王特甚，遂卒。成十九年，王室之亂，逐惠王而立子頰。朔之罪不容於死矣。逮二十一年，鄭伯虢公殺子頰，惠王復入，力不能討。朔聞五年為莊之二十五年，夏五

月癸丑。衛侯朔卒。竟。逃。王。誅。故春秋書卒不書葬。以誅之於既死也。周禮秋官。凡刑有罪。臨諸市。肆之三日。三日之後。仍有收之。以葬者。惟掌戮所稱。凡殺其親。則焚之。殺王之親。則辜之。焚為燒。不存其形。辜為磔。不全其體。是將以灰燼投之江河。骨肉委諸犬鼠。雖欲葬之。而不得矣。不書葬之意。取諸此。其嚴豈惟同於斧鉞已哉。

六月辛未朔日有食之鼓用牲于社

管見日食陰侵陽。范氏甯曰。鼓有聲。皆陽事。以歷陰氣。左傳謂天子伐鼓于社。禮記郊特牲。天子大社。必受霜露風雨。以達天地之氣。是故喪國之社。屋之不受。天陽也。亳社北牖。使陰明也。據此。則日食伐鼓。以助陽。必在受天陽之社。大社可知。大社之社。在雉門外。庫門內。當朝之右。有瓊瓚。禮曰。食。天子不舉。去樂。鼓人詔王鼓。太僕贊之。皆於社也。昏義言。天子男教不修。陽事不得。適見於天。日為之食。則天子之至社。親鼓。主於助陽。亦自致其奮發震動之意。以

明不敢安處深宮而坐視也。或言伐鼓於社為責神。彼月食以地影蔽日。於社有關。月掩日而日食。以為地之過而責社。是何義乎。且社在朝之右。與北郊之方澤並為地神。猶之有國邱祀天。亦有明堂以祀上帝。皆天神也。社之神又可以鼓責哉。至穀梁言天子殺日。置五麾五兵五鼓。五麾者。虞信云。各以方色之旌置之。五兵者。徐邈云。矛在東。戟在南。鉞在西。楯在北。弓矢在中。五鼓者。虞徐並謂依方色為之。按殺日。惟鼓以助陽。從而置麾。特以表社之方位而已。別有兵如麾之分置。則謂天子親鼓於社。設以為衛亦可。皆非。殺日之具也。若諸侯之殺日。穀梁復稱置三麾三兵三鼓。其降殺之確據。莫由深攷。姑從闕焉。再按大無二日。土無二王。天子殺日。諸侯皆殺之。所以為王。非自為也。乃左傳析言諸侯殺日之禮。當用幣於社以祈神。伐鼓於朝以責已。無論其殺日而祈社者。不中事理。適當日食之變。不使諸侯心乎天子以愛王室而敬之。自謀釋青解厄。曰。伐鼓於朝。諸侯可當日象乎。有諸侯而當日象。是二

日。是二王矣。惡在其為禮也。所當辨者。諸侯伐鼓於社。與天子同鼓。而用牲於社。則天子所獨。諸侯不得同之。蓋日食初。虧鼓以救日。助陽也。及食訖復常。用牲以禮日。亦助陽也。嘗借觀而通其意焉。玉藻云。日五盥。沐稷而饋梁。櫛用櫛。櫛髮。晡用象櫛。進。襪。進。羞。工。乃升歌。浴用二巾。上絺。下綌。出。扞。履。蒨席。連用湯。履蒲席。衣布晡身。乃履。進。飲。孔疏。此大夫禮。人君饋沐皆梁。其餘同大夫。襪。謂酒也。沐而飲。酒曰。襪。羞。蓮豆。進羞之時。樂工乃升堂。以琴瑟而歌。浴亦進飲。鄭注。以為沐必進。襪作樂。浴進飲皆盈氣也。疏又申明新沐。則氣虛。故補益其氣。浴亦宜然矣。夫人君一日沐浴。禮猶恐其氣虛。而以酒羞樂歌補益之。日食之後。雖已復常。不疑於陽氣之或沮乎。沮則虛而不盈。故食時有鼓以助陽之禮。食後又有用牲以助陽之禮焉。用牲則必陳鼎俎。其與牲相從者。酒用共。齊樂用備。器亦可概見矣。如是而天子禮日於社。凡馨香之薦。聲音之號。紛紜咸作。自社上。烝將。憑是以助日之陽。而盈其氣。豈不誠然乎。或

魯用天子之禮。遂於敗日亦用之。初不亦為于社則合鼓而用牲于社則偕也。故春秋書之以示譏焉。或謂魯不當用牲。將何用乎。曰。用幣。日食初。殷無諸侯用幣以祈社之禮。食訖復常。應有諸侯用幣以覲日之禮也。日為王象。諸侯之覲日。猶夫覲王。覲王。書來帛加璧則覲日用幣亦固其禮。

伯姬歸于杞

〔管見〕伯姬。莊公女也。以此二十五年夏六月。歸于杞。至二十七年春。公會杞伯姬于泚。冬杞伯姬來。僖公五年春。杞伯姬來朝其子。二十八年秋。杞伯姬來。三十一年冬。杞伯姬來求婦。雖皆有故而出於此。而春秋則欲詳志其事。使國君之女嫁為諸侯夫人者。皆知其不可為訓而戒之。乃先書伯姬歸於杞。以發其端焉。

秋大水鼓用牲于社于門

讀春秋管見

卷三

莊公二十五年

七

管見前書夏六月辛未。鼓用牲于社。特譏其用牲之僭天子禮也。於鼓無譏焉。鼓字宜輕讀。至此書秋大水。鼓用牲于社于門。則鼓字又宜重讀。以前之鼓為日食以助陽。此所謂鼓乃為大水以攻社也。鼓同而鼓之用意迥別。所由然者。以魯連歲大水。靡神不舉而災莫救。乃用淫巫之言而出於此。周官亦設司巫。初無幻術。末世有譎怪者。如周厲王所奉衛巫之屬。每謂其能自地通天。陟降上帝之庭。一或焚章伏奏。輒稱奉勅以糾核百神。以故魯之大水。疊經巫得執五行生剋為斷。土不能制水。其罪在社。遂伐鼓以攻之。是雖天子所未敢加於社者。巫無所憚焉。至其鼓于社。即用牲于社。此與日食之用牲者。其意亦迥別。燕日食之用牲為牛。所以升其而益日之陽氣。大水之用牲常為羊。所以取血而雁社之。沴氣也。觀用牲連社與門言之。可見月令稱九門磔攘以畢春氣。裂牲為磔。除禍為攘。磔攘以犬牲為宜。則此用牲于門。當同之。彼用牲于社。亦用以攘也。特其牲不磔以別於門而已。不得比於鬯廟之用。

羊獨刳之。以取血哉。凡此皆自淫巫進說而公從之者。不然。去年秋大水。何以未聞鼓而用牲于社于門哉。但災之無救於今。與前無以異。是為大惑焉耳。可無譏乎。

冬公子友如陳

管見如陳者。聘也。報此年春之陳侯使女叔來聘耳。據是推之。後之二十七年。公子友如陳。莖原仲則因其報聘於陳而結之矣。三十二年。公薨。立子般。慶父殺之。公子友奔陳。夫非以前之莖原仲而逃主其家乎。至閏公元年秋。季子來歸。歸自陳也。可知此書公子友如陳。正為其後之如陳奔陳歸自陳者誌所始也。

二十有六年

春公伐戎

管見公何以伐我。必先由我之役魯也。魯自隱桓世與我盟。未始有戎難。至莊公十八年夏。我侵齊。不利而還。過魯。公追之於濟西。是足以啟我之釁矣。久之而未得報。魯反。二十四年。魯公子赤誘之侵齊。以謀篡代。我得志。豈不思有以報濟西之怨而侵魯乎。春秋不脩書者。蓋欲即以公之伐我。包先之我侵魯耳。與前二十年冬。但書齊人伐我。不先書我侵齊。是為一例。

夏公至自伐我

管見公伐我而自春及夏。但書公至自伐我。不書克。亦不書敗。績者。蓋公入我境。小有挫衄。度不敵。遂振旅而歸。欲圖會諸侯之師以共舉耳。以故是年秋。公會宋人齊人伐徐。徐即我伐徐。即伐我也。

曹殺其大夫

管見陳氏傳良曰。凡殺大夫恒名之。此其不名何。惡君也。曹莊公卒有戎難。羈出奔陳。赤於是篡曹。篡而殺其大夫。則必不義其君者也。家氏鈔翁曰。曹亦挾戎援以篡兄之國。又挾戎威以去兄之黨。所殺者必皆無罪。而又不止一人。魯史不得其姓名。是以闕之耳。按二說得解。

秋公會宋人齊人伐徐

管見徐杜注。徐國在下邳。僮縣東南。括地志。徐城縣西十里。有大徐城。即古徐國也。今江南鳳陽府泗州北八十里。有徐城。相傳為徐偃王所築。韓氏愈曰。徐與秦俱出伯翳為嬴姓。昭四年。楚人執徐子。則徐蓋子爵也。按此書公會宋人齊人伐徐。係公主兵而借助於宋齊耳。蓋徐即戎也。公以春之伐。戎無功。力圖再舉。因會宋齊以伐之。逞憤黨同。以從事於兵戰。夫豈所謂不得已哉。於宋齊並貶而稱人。則公之當貶自見。伐徐即伐戎也。前稱戎。此改稱徐。

不目以戎者何。於時公會宋人齊人伐我。我不抗而自服。亦知宋公以北杏之會奉齊侯為伯主。是當基向不當拒也。貳而討之既服則舍之乃伯主所必務。齊安得不因而罷師耶。齊議定宋當無言。魯亦當無言矣。然此皆由戎之譏時向義以服於齊故致然也。是以戎本徐國系出伯翳。雄起偃王入春秋以來並直斥為戎而已。及茲乃稱國以進之而曰徐也。但經文之書徐其得知其必主從齊言者於何徵之。蓋從齊則將背楚。觀後僖公十五年楚人伐徐公會齊侯宋公陳侯衛侯鄭伯許男曹伯盟于牡邱。遂次于匡。公孫敖帥師及諸侯之大夫救徐。皆齊侯主之也。徐不從齊齊惡得因災之伐徐而救徐哉。

冬十有二月癸亥朔日有食之

傳見魯當連歲日有食之。去年書六月辛未朔日有食之。鼓用牲于社初不嫌於僭。天子之禮也。謂無王。至此年書

冬十有二月癸亥朔日有食之不書鼓用牲于社必
又將指是為具文而可以不敘也其無王為更甚

二十有七年

春公會祀伯姬于洮

〔管見〕洮杜注魯地今山東東昌府濮州南五十里有洮城亦作桃城水經注云桃城亦曰姚城因姚墟而得名也按洮雖魯地伯姬歸寧不至魯都而公往會于洮者卓氏爾康以哀姜方族嫡寵不以子女待伯姬疑之此為得其情矣蓋伯姬自來歸寧至於洮公因夫人姜氏驕妬不欲使女伯姬為其所凌故往會於洮以止之謂伯姬將寧爾父則已在此矣若必卒至魯以寧爾母必非爾今母之所能遇以禮者何為也哉於是伯姬遂還

夏六月公會齊侯宋公陳侯鄭伯同盟于

幽

管見張氏治曰再舉同盟之禮以申伯令而一諸侯之心也魯宋陳鄭皆至而衛獨不來故明年伐衛按前莊公十六年冬十有二月會齊侯宋公陳侯衛侯鄭伯許男滑伯滕子同盟于幽齊之伯業已成由十六年及茲二十七年既歷一紀乃復同盟于幽以申伯令而一諸侯之心誠如張氏之說矣十六年之盟公亦與焉不書公譏其受命於文姜而不由公耳至今之與盟者公自為政故書公他若前盟之有許男從鄭滑伯從衛滕子從魯齊侯不與微之以疲頹小國亦固其宜惟大國如衛者前既來會以同盟于幽今猶是諸侯而盟亦不易地衛獨不來非齊侯之所能安也張氏以為明年之伐衛由此亦允至同盟為殷同之同不主公羊之同欲為定論辨見前十六年並不贊

秋公子友如陳葬原仲

管見按大夫無境外之交。說者每過於泥。二十五年春。陳侯使女叔來聘。冬。公子友如陳。以報聘。則亦聘而已。致聘禮所載。凡聘於他國。既聘。有私面。其卿之禮。又有私面。其下大夫。嘗使至者之禮。皆用幣。是非交。而何原仲稱字。其為陳卿可知。公子友報聘於陳。雖於幣。使至之女叔。亦當以幣交矣。況陳卿如原仲乎。惟公子友得交原仲。遂相善如舊。素然。既反魯。纔及踰年。而原仲頓卒。凶喪哀弔。即泛常者亦不可以已。至若公子友之好於原仲。而逢此感聞。將葬矣。欲如陳以會其羞。入請於公。公必許之。豈不亦為禮之所宜有哉。禮之所宜有。為常。常則不書。書者。欲為他日。公子友之避。雖奔陳。伏。脉。耳。

冬杞伯姬來

管見是年春公會杞伯姬於洮。以夫人哀姜之無恩。禮還止伯姬之卒。至於魯也。然哀姜豈竟絕無聞知耶。聞之而

伴為不知。乃聲言伯姬歸於杞。當前之二十五年夏六月。及茲既歷三年。而不思歸寧。何其忍於忘親而背本。乃若是哉。於是公無以應。特陰使人聞於杞伯姬。故及冬而杞伯姬來。偁於哀姜之私。為詬病而來也。

呂慶來逆叔姬

管見魯君之女嫁為他國大夫之妻。此其始見於春秋者。何以必書。欲以教婦順耳。莊公元年及十一年。兩書王姬歸于齊。凡婦人謂嫁曰歸者。父兮母兮。畜我不卒。必以夫之家為其家。故王姬下嫁。亦統稱曰歸。以示從夫之義也。知從夫之義。則雖天子之女。嫁於諸侯。初不得挾天子之貴。以驕諸侯矣。夫非所以教婦順哉。至此二十七年。書呂慶來逆叔姬。凡昏禮問名。辭曰。敢請女為誰氏。氏即此稱叔姬者是已。婦人常不以名聞於外。請氏即以問名。故此入夫。呂慶稱名。魯女亦稱名。以示敵體之義也。知敵體之義。則雖諸侯之女。嫁於大夫。亦不得倚諸侯之尊。以做大

夫矣。孰非所以教婦順哉。

杞伯來朝

管見士昏禮若不親迎。婦入三月。壻見婦之父母。為外舅姑。辭曰。請覲。然則諸侯之娶夫人而不親迎。後亦必於夫人之父母有請覲之禮者。莊公二十五年夏六月。伯姬歸于杞。歸杞伯也。而其先不書杞伯來逆女。則其不親迎可知。伯姬歸於杞伯。及三年而後歸寧。則此三年中。杞伯之未嘗請覲。亦可知矣。今莊公二十七年冬。杞伯姬來。以哀姜誓其父。不歸寧而來也。其言必自莊公使聞之。是年冬。伯姬所歸之杞伯亦來。必又以哀姜誓其父。不請覲而來也。其言殆自伯姬使聞之耳。杞伯之來為請覲。當先見莊公。而後亦見哀姜矣。士之請覲。外舅為主。主人出寢門外。不出大門。而見之於寢。壻入大門東。奠幣再拜。出。不敢親授。及饋。若以幣出。請受。壻禮辭。許。乃受幣。入門西。主人

再拜受。壻再拜送出。注謂壻有子適。異之於賓客。故然。今杞伯為國君。莊公不欲竟以子壻屈之。其迎於大門外。見之於廟。揖讓入。升堂授幣。累與諸侯之相朝等。故特書曰。杞伯來朝。至士之請覲外舅出。再見外姑。外姑為主婦。壻見之。主婦閤左扉。立於其內。壻立於門外。東面。主婦一拜。壻答再拜。主婦又拜。以婦人見丈夫。公俠拜也。壻出。主人請醴。及揖讓入。醴以一獻之禮。主婦薦其醴。無幣。壻出。主人拜送。注謂酬賓皆有幣。此無之。亦以壻非賓而有異耳。然莊公之於杞伯。其請覲以朝禮見。如賓則醴之。必有酬幣。亦如賓矣。惟主婦哀姜於外姑為適伯。但非其所出。視杞伯固自漠然。且其入為魯夫人也。倚齊之大而任情驕亢。能以禮責人。不復以禮自處。當杞伯請覲而見之於寢。哀姜以主婦立於門內。其肯於杞伯來拜而先拜及杞伯既拜而。又拜乎。以是推其所以醴之者。莊公方欲醴之。如賓而具幣。哀姜並不欲醴之。如壻而設薦矣。杞伯其何以堪此。故春秋特書杞伯來朝。為杞伯表其存國君之體統。

者半為杞伯詐其失國
君之體統者亦半也

公會齊侯于城濮

管見此年夏六月公會齊侯宋公陳侯鄭伯同盟于幽而
衛侯不至是欲背伯主之齊桓也齊桓將討之而不欲輕
於動衆故於冬復為會於城濮不更煩宋公陳侯鄭伯而
獨期公之會之也城濮屬衛地會於城濮特欲致衛侯之
來會以解夏六月之不同盟于幽耳若衛侯果至則明年
春之伐衛遂可以已此正齊桓九合諸侯不以兵車之本
意也說者乃謂會于城濮為謀伐衛豈有將伐人國而先
至其國之境以會謀者哉且伐衛之役公獨會謀至明年
伐之而公又未嘗以師會
則所謂會謀者何所謀也

二十有八年

春王三月甲寅齊人伐衛衛人及齊人戰

衛人敗績

管見去年夏齊侯尋盟于幽。衛侯不至。是背前十六年之盟于幽矣。及冬而公會齊侯于城濮。在衛地。而衛侯仍不至。夫非誠欲背盟而貳於齊哉。貳而討之。伯圖也。惟國伯為私心。故敗而人之曰。齊人伐衛。攷左傳稱二十七年王使召伯廖賜齊侯命。且請伐衛。以其立子頹也。又稱二十八年春齊侯伐衛。戰敗衛師。數之以王命。取賂而還。皆不可泥以為實。蓋齊侯若已命為侯伯。得其征伐。又奉命追討衛朔。立子頹之罪。大義炳然。猶復從貳例以視其罰。此何說耶。至齊侯既敗衛師。數之以王命。庶幾執衛侯歸之於京師矣。卒乃受賂而還。其貪鄙至甚。度齊侯若桓公亦必不為此也。胡傳曰。春秋紀兵。及者為主。齊人舉兵而伐衛。衛見伐而受兵。則其以衛及之何也。以衛人為志乎。此

戰故以衛主之戰不言伐伐不言日而書日者戰之日也
見齊人奉辭伐罪方以是日至而衛人不請其故直以是
日與之戰所以深疾之也按衛侯不會盟於幽又不會於
城濮曰早辦一戰以抗齊師欲因而驕其伯業耳從可知
齊侯不必果戰而衛侯則必志乎戰故春秋先衛後齊書
曰衛人及齊人戰衛師不必遂至敗績而衛侯之志乎戰
則必至於敗績故春秋易師稱人再書曰
衛人敗績兩人之者皆所以歸罪衛侯也

夏四月丁未邾子瑱卒

〔管見〕與前十六年書邾子克卒
同所異者彼不日此有日耳

秋荊伐鄭

〔管見〕莊公二十三年春荊稱人以其來聘也此二十八年
秋荊復伐鄭則仍稱荊以斥其為蠻不可謂之人矣伐鄭

之故。左傳謂楚令尹子元欲盡文夫人。為館於其宮側。而振萬焉。夫人聞之泣曰。先王以是舞習戎備。令尹不尋諸仇讐。而於未亡人之側。不亦異乎。御人以告子元。子元曰。婦人不忘襲讐。我反忘之。乃以車六百乘伐鄭。衆車入鄭純門。及遠市。縣門不發。楚言而出。子元曰。鄭有人焉。諸侯救鄭。楚師夜遁。按前十六年秋。荆伐鄭。楚文王熊賢之。欲圖中國也。及櫟而還。未得志。楚所謂仇讐者。舍鄭莫屬焉。熊賢以莊之十九年卒。立子堵敖。熊難。楚人謂未成君為敖。堵敖五年。欲殺其弟熊頤。頤奔隨。與隨襲弑堵敖。代立。是為成王。皆文夫人息媯之子。子元。係文王之弟。為令尹。方欲盡文夫人。惡得不蔑視其姪。頤以謀篡代乎。且成王願弑其兄堵敖而自立。尤而效之。亦不得以首禍為其罪也。故伐鄭之舉。借文夫人之言而興事。意謂立武功於外。乃足以歸而震主。故然耳。豈誠欲尋諸仇讐。真得卒成文王伐鄭以圖中國之志與。楚師及鄭。鄭知楚君願以弟殺兄。今尹子元其叔父也。必有異志。其師不得久稽。乃不戰而

以堅守拒之。縣門不發。謂不開。非不開也。楚言而出。亦謂楚師有言。特以縣門不發斥鄭之畏怯而止。不得更入。乃皆出也。於是子元知鄭之不能即克。又聞諸侯將救之。齊桓主兵。萬一有所挫衄。武功不成。可歸也。喪師辱國。楚之置法最嚴。尚可歸乎。以故莫敢違息。遂率之而夜適也。由是言之。此書荆伐鄭。下書公會齊人宋人救鄭。亦特指其會師之意為救鄭已耳。其實何嘗見楚師于鄭也哉。

公會齊人宋人救鄭

管見首稱公。則齊人宋人。即齊侯宋公可知矣。齊宋皆貶而稱人。則公不加貶。而與齊宋一例。亦可知矣。救鄭之役。齊侯為主。公與宋公會之。必從貶者。其意總以抑伯圖耳。如此年春之伐衛。齊侯特因衛之背已而興師。既不得謂為聲罪致討。則此年秋之救鄭。齊侯又特因鄭之從已而合師。亦不得謂為援患卹隣。凡皆竊權侯伯假公義以濟

其私心已也。
可無聚與。

冬築郿

管見爾雅水草交為酒澤屬魯之郿邑。蓋因其地有澤為酒故取以名耳。築郿非築邑之謂。築邑則城之。書法當與前城中邱城郎城祝邱同。不應但書築。左傳別以都曰城邑曰築。殆不足為據。李氏廉曰公羊於此條與成十八年築鹿園皆稱虞之非正也。似以為田獵之地恐未必然。按公羊傳云山林藪澤之利所以與民共者。虞之非正也。注謂虞典禽獸之官言規固而築之置官司以守之是不與民同利矣。築不志凡志皆譏也。此正得春秋書築郿之旨。當從之。

大無麥禾

管見麥熟于夏禾成在秋于冬書大無麥禾謂薄之境內其民皆終歲失望也。胡傳沈看冬字謂有司會計歲入之多寡虛實然後知倉廩之竭春秋豈為魯憂國用武又戎穀大無麥禾未有言災之者然即麥禾求之而災亦自見茲麥性惡濕若春夏之交天作淫雨則為大水於是而大無麥至禾為穀之總稱二月始生八月乃熟故夏有大雪以祈甘雨亦謂稼穡作甘而有雨以濟之也乃是歲春夏之間則大水及夏秋之間則又大旱於是而先為大無麥後復為大無禾矣自其冬令并書之曰大無麥禾着一大字而大水大旱兩大字即寓其中何謂未有言災之者

臧孫辰告糴于齊

管見是年大無麥禾而公於其冬築鄆明年春復新延廐則其志荒矣故但稱臧孫辰告糴于齊不言使明其請之而後得行公曰未嘗切于民瘼也其告糴于齊者葵邱之會孟子載其五命曰無過糴則前之再盟于幽必皆有是

命可知。國語稱文仲以皂圭與王。魯告糴。齊桓歸其玉而予之糴。是即所謂無過糴也。於是齊令關市去禁。商賈懋遷。舟車駢發。魯之大無麥禾。亦庶幾其少有。而馴將富有矣。其有裨於民者。豈淺鮮哉。故春秋志其事以善之。

二十有九年

春新延廐

管見杜氏預曰。言新皆舊物不可用。更造之辭。王氏孫曰。養馬欲其富。故馬廐謂之延。延。長也。猶庫藏欲其有餘。而謂之長。府也。王氏錫爵曰。禮凶年馬不食穀。馳道不除。去冬大無麥禾。而今春新延廐。廐有肥馬。民有饒色矣。按三說皆得解。但其事亦軍政所待經理。且不至於疲力殫財。乃獨以大侵之後。營其興作。非時是足者。為人君之大戒乎。竊為之進推其意。蓋以莊公之新延廐。實由公子慶父者。欲為廣畜駿。良供其游獵。以投所好。即得陰自壯其主。

兵之勢而圖篡代耳。於時公乃不恤故書以譏之。慶父自莊公二年夏帥師伐於餘邱已身兵柄及懿歷二十八年漸生逆謀務張威力乃以國權與重於兵兵備莫急于馬故其畜馬為甚盛厥後莊公薨慶父使人弑子般又使人弑閔公卒以篡代不成死于繼馬意歸于僖公魯頌有駟之詩序稱美僖公者其詞意亦即有以追刺慶父也。如駟之首章曰有騶有皇有驪有黃二章曰有騶有駟有騶有騶有騶三章曰有騶有駟有駟有騶四章曰有駟有駟有駟有駟有駟有駟皆即此延廐之所收聚也。校人職凡頒良馬而養乘之故數馬各以四又馬之駟者每乘盡同而其色之無不有則每乘各異是特以戎馬齊力不齊色故然慶父之主兵而務多馬若此其欲借以自強者不將以延廐為其私閭也哉。然當其新延廐時慶父以為請公不欲其仍舊亦不令其姑緩于春並不顧其適承去年大無禾麥之冬則獨以慶父為國之馬計者誠汲汲耳他何知焉。

夏鄭人侵許

管見自隱公十一年鄭伯入許許莊公奔衛鄭以公孫獲處許及桓公十一年鄭伯寤生卒子忽哭兄弟爭國許叔以桓公十五年入許鄭之據許者既十六年矣是後鄭難不已繼以疊儀迨厲公哭自櫟入鄭當莊公之十四年入鄭更七年卒不暇國許許以莊公之十六年托其國于伯主與齊桓同盟于幽亦謂可以稍安矣乃鄭文公嗣厲公立凡八年但茲莊公之二十九年復不能忘情於許遂侵許許之被侵非罪也鄭之用侵何名哉故春秋稱人以賊絕之曰鄭人侵許

秋有蜚

管見王氏樵曰爾雅蜚腹肥謂蟻也即負蟻與蟲類以為負蟻汪休復雜志有舊本山海經說蜚成淵則涸

行草則死。疑春秋所書即此物。若是負蟊不當書有謂之多可也。攷本草負蟊本名蜚蟊腹背赤有翅能飛其氣甚臭狀如蝗負蟊江東呼為蚱蜢長角修股善跳有青黑斑數色與蜚蟊異類而同稱負蟊則亦與蜚蟊混矣狀並類蝗此皆常見而不害稼以為不當書有亦允至山海經云太山有獸焉其狀如牛白首一目而蛇尾其名曰蜚行水則竭行草則死見則天下大疫此獸以蜚為一字名與負蟊之為蜚蟊及負蟊之混于蜚蟊只以有蜚字為差合者異矣且其災為大疫於其見而書有豈曰不宜但太山列在東山經其內又別出泰山注謂東嶽又自有獸焉狀如豚而有珠名曰狌狌其名自計則所稱太山者莫可的指復何從考其獸之形狀與其災變也哉竊意蜚字與飛同用从虫則飛蟲也其飛蟲之為蜚何物蓋飛蝗耳如春秋前後所書蝥者是已舊以蜚為負蟊則祇得其蝗之似焉未為確論飛蝗何以但言有蜚與書蝥異例揆厥所由以是年魯無蝗患不知其適從何來見其羣飛蔽天民

皆相與驚怖曰有蜚。殆並奉為神。燕不敢直斥其為蝗。故然。陸佃曰。蝗从皇。今其首腹背皆有王字。民安得不從而神之。耶。春秋書有蜚。亦知其為有飛蝗過魯也。特因民情之神之。而書曰有蜚而已。然蝗飛則必集。既集則害稼一空。悉奪民之命而致之死。與大疫無以別。更何待。獸之如牛。白首一目。而蛇尾者。以為微驗哉。

冬十有二月紀叔姬卒

管見杜氏預曰紀國雖滅叔姬執節守義故繫之紀賢而錄之此為正義明年之書葬亦同諸說多以叔姬為媵不卒不葬特為其賢而從夫人之禮故卒之葬之非是春秋於嫡妾之分最嚴豈可假乎凡皆不知叔姬之本非媵也夫人也辨詳隱公七年
春王三月叔姬歸于紀

城諸及防

管見明一統志山東青州府諸城縣去府城東三百里本魯諸邑防杜注在瑯琊華縣東南今兗州府費縣東北六十里有華城即華縣也按隱公七年城中邱桓公五年城祝邱皆在今山東沂州府界與莒逼近今之城指及防諸當中邱祝邱之東防當中邱祝邱之西並魯之南鄙連運相屬以東帶于莒者于時公子慶父將謀篡代私交于莒故其後連弑子般閔公惶惶出奔獨以莒為藏身之窟完也而其先則就魯境之毗連於莒者預為叛據之地故春請于公以新延廐謂戎行之壯在焉其冬又請于公以城諸及防謂守禦之固在城也公豈不度其陰有異志哉計慶父之專兵自公立之二年師師伐於餘邱始以後既二十年文姜主政慶父無權其恣肆未之敢逞及文姜薨而公狙于逸欲此八九年中慶父惟所欲為有請則必許之公復何能強為禁制耶城非創築增修之也其言及者謂起自諸而及中間之中邱祝邱以訖于防耳不得泥指諸防二邑言且城諸及防其役皆同時並舉以及字分先後

看亦可
不必

三十年

春王正月

夏師次于成

管見師次于成以助齊人之降鄆耳。舊謂魯欲殺鄆而畏齊不敢進。恐未必然。魯自文姜薨而哀姜入。莊公專意從齊。豈有齊人欲降鄆而魯乃殺之耶。且救之而次于成。鄆無所賴而齊已失好矣。何以至冬而書公及齊侯。過于魯濟乎。鄆為小國。在今山東兗州府東平州東六十里。成為魯邑。在今山東兗州府寧陽縣東北九十里。明一統志。東平州。漢為東平國。寧陽屬泰山郡。東漢屬東平國。則鄆之在東平州。成之在寧陽縣。其地為相隣矣。以故齊欲降鄆。

而以距臨之。先使魯師次于成。以爲兩闕夾攻之。勢聲言滅郭。郭大懼。竊度齊之。前既滅譚。旋復滅遂。于郭乎何有。是齊之師不可抗矣。而更有魯師之次于成。從後而乘其。郭欲不滅。得乎。於是。以齊爲伯主。服則舍之。此其。所務也。因使國人逆齊師于境。而請降。齊師遂止。不進其郭之君。亦族至。降于齊侯。齊侯受降。罷師還。故下于秋七月。書齊人降郭。夫降郭在秋七月。而其夏之師次于成者。則實出魯之遙應。以濟其威脅。故至此耳。但齊人降郭。爲得志魯之助齊降郭。則爲可恥。計莊公八年春。師次于郎。夏。師及海。師圍郕。郕降于齊師。此公爲齊襄諸兒所使。而固以從事也。可恥孰甚焉。及茲三十年夏。師次于成。秋七月。齊人降郭。雖郕屬國。而後降。郭不圍而降。師次于成者。未嘗越魯。亦公之爲齊。相小白所使。而復因以從事也。可恥又孰甚焉。故君行師從。稱師。則公之親行也。而春秋皆不書公。凡以著其可恥云爾。

秋七月齊人降鄆

〔晉〕見鄆杜註。紀附庸國。孔氏穎達曰。計紀侯去國。至此二十七年。則邑不得獨存。此蓋附庸小國耳。考紀國未亡。紀季以鄆入于齊。殺紀之人民也。紀國既亡。齊桓復以鄆歸之。紀季存紀之宗祀也。故莊十二年。春王三月。紀叔姬歸於鄆。可知紀亡。雖不無遺邑。而鄆之外。則無有矣。若鄆在齊西。為今東平州境。紀在齊東。為今青州府境。其地絕遠。紀安得有鄆以為附庸哉。鄆別於紀。為附庸小國。不服伯主。齊侯不志於滅之。而獨欲降之者何。蓋以其初即位之明年。滅譚。譚子奔莒。而亦安之。不為患。又三年滅遂。遂其未靖。而置戍焉。歷五年。而齊人殲于遂。此足見國雖小。蜂虻有毒。小國雖滅。亦死灰復燃。非可深恃也。因念小國有不服從。未降而背之。足以示威。既降而撫之。尤足以見德。故其伯圖之變計。特自茲莊三十年之降鄆始。其後終齊桓之世。更無有以滅小國見於春秋者。夫不滅而降使之

服則已耳。或問降狀曰。禮記郊特牲云。稽首服之。甚也。肉袒服之。盡也。義止於此。無可加。若僖公六年。傳載許男降楚。見楚子於武城。許男面縛銜壁。大夫哀經。士輿櫬。並謂昔武王克殷。微子啟如是。其言皆近。豈足據哉。

八月癸亥葬紀叔姬

九月庚午朔日有食之鼓用牲于社

〔管見〕諸侯之救日。初。獻鼓於社。為助陽耳。食已復常。則用幣以親日。不用牲。此定制也。及茲三十年九月庚午朔日有食之。鼓足為前二十六年之並。不鼓者。存其典之缺失。至於用牲於社。則又將於前二十五年之兼用牲者。踵其禮之。階踰矣。皆不可以不書。

公及齊侯遇于魯濟

管見魯濟杜註。濟水。厯齊魯界。在齊界為齊。濟在魯界為魯。濟據此。則齊侯至於魯界而公及之。非公為志而齊為志也。齊何志。蓋謝公之師。次於成。而齊得以降鄆耳。公不敢以為功。而特重伯主之尊。臨境上。故及齊侯過於魯。濟以還謝之。他無所為也。左傳。因下書齊人伐山戎。遂謂齊侯欲就公謀。因以遇於魯。濟。殆不必然。伐山戎之役。魯不會師。此外復何所謀哉。

齊人伐山戎

管見山戎北戎。皆狄也。狄亦通稱。戎惟以北別之。北戎之亘於北。起極西而底極東。其極東之地。多山。因復異號為山戎耳。桓公六年左傳曰。北戎侵齊。此又以山戎而從北之通稱者。山戎與燕之國土近。亦與齊封之濱海而介在燕者近。當其侵齊也。齊僖公乞師於鄭。鄭使太子忽帥師救之。敗戎師。於是諸侯之大夫成齊。是齊固有山戎之患。

矣。僖公稱小伯。終其世。未能興師以伐山戎。子襄公諸勉
又不足言也。及齊桓公即位。既二十年。當魯莊公之三十
年。伯業已成。乃乘盛勢而為伐山戎之舉。遂以捷聞。此獨
借為仲報復之私志。則得之以言大義。則非也。且冬伐山
戎。至明年六月。而齊侯來獻戎捷。是猶侈然以俘掠之多
誇示魯矣。其先所殺戮。尚可問乎。彼山戎之為暴。亦不過
爾爾。故特稱人以貶之。若此年左傳。謂遇於魯濟。謀伐山
戎也。以其病燕故。史記齊世家。因而申之。乃謂山戎伐燕。
桓公救燕。遂伐山戎。至孤竹。命燕君納貢於周。諸侯聞皆
從之。並誤為救燕而失齊伐山戎之實。亦不深究。春秋不
書救燕而復貶。稱齊人之旨。

三十有一年

春築臺于郎

管見即在今兗州府魚臺縣東北。桓公四年春。公狩于郎。是其地。本有狩獵之所矣。又隱公五年春。公觀魚于棠。棠亦在今兗州府魚臺縣。是縣漢名方與。唐改魚臺。以其城北有魯公觀魚臺故也。然則郎與棠相接。既可改。亦可漁。樂此者。必為臺以供登覽。前時豈未嘗有之耶。及茲三十有一年春。特書曰。祭臺于郎。勢必別事。經營加之。高廣有獨巍然。以宏此壯觀者。其侈可不待貶絕而自見。

夏四月薛伯卒

管見凡五等之爵。皆得從侯之通稱。前隱公十一年。滕子薛伯來朝。並從通稱。書侯者。譏隱公偕天子。祇見諸侯之禮。幾自忘其為侯耳。此年夏四月。書薛伯卒。從其本爵也。或以為薛本侯爵。為時王所熱而稱伯。亦臆度其然。殆非定論。外諸侯卒。有月而不日者。如隱七年。書滕侯卒。是已。至八年。書辛未。有男卒。則又有日焉。是特因舊史之詳。畧

而已。惟滕侯宿男及此薛伯。皆不書名。則本春秋之義例也。非闕文之謂。蓋諸侯不生名。死而名之。比葬則為之謚。有謚則稱謚。欲終有以諱其名耳。然諸侯有謚。使人會葬則稱書。不使人會葬則不得書。其將何以諱之哉。春秋於卒。不書名。以著其名之必當諱也。若莊之十六年。書邾子克卒。一十八年。書邾子貜卒。殆因邾以附庸進爵為子。在春秋四十年以後。不得遽與他國之舊封於周者同義例與。再此年三書築臺。而其間書薛伯卒。乃深怨莊公之廢於般樂。其怠教棄禮者。不可悉指。因特舉此以徵其概也。若泥就薛伯言之。其卒亦何閑輕重哉。

築臺于薛

管見春秋築臺于郎。更復築臺于薛。侈又甚矣。亦可不待賅絕而自見者。薛杜註。魯地。今山東兗州府滕縣有薛城。按明一統志。滕縣東六十里。有高山。少西有薛山。薛水源發二山之間。西南流入徐州沛縣界。則其地之名薛正。以薛

水出自薛山故爾再按薛在滕縣與卽在魚臺縣者東西相直其間有蜀山湖蜀山在汶上縣西南三十五里因以名湖湖與山湊會之處移步換形非一方所能收攬此卽臺初竣薛臺復興莊公獨欲恣其游目騁懷之樂則已他復何所顧惜哉

六月齊侯來獻戎捷

管見凡師勝而歸乃獻捷去年冬書齊人伐山戎今年六月書齊侯來獻戎捷其間始事戰爭繼加俘掠通計凡歷三時所以毒山戎者其酷烈為己甚故春秋於其伐山戎也知為齊侯親行則稱人以貶之至其來獻戎捷齊侯使人來耳然命自齊侯則謂齊侯實來可也左傳曰諸侯有四夷之功則獻於王王以警於夷諸侯不相遺俘胡傳曰獻者下奉上之詞則知其戎捷而書來獻其齊侯則為對王稱之矣夫赫赫伯主猷以軍功誇示鄰國而不諱於禮

春秋但非笑之。為之曲。將其佳辱。以視先之。網人以示貶者。不尤有加乎哉。

秋築臺于秦

管見秦社註。東平范縣西北有秦亭。今在山東東昌府范縣南三里。按范縣係魯之西北境。其有秦亭。亦不見所據。竊意莊公連築三臺。雖方位異置。亦必得其水陸交通所在。乃足以便游觀。此年春築臺於郎。在魚臺縣。夏築臺于薛。在滕縣。並屬魯之南境。彼范縣之別在西北者。相距甚遠。與齊西鄙之聊攝接。元志特稱其地平土沃。無名山大川之限。他勝概未有聞也。而欲指莊公是秋之築臺于秦。實當其地。恐未必然。今考兗州府之汶上縣。西南三十里有南旺湖。禹貢所謂大野既豬。即指此。又有蜀山。在汶上西南三十五里。下臨湖明一統志載其上有神祠遺址。碑記云。山形水勢有類西蜀。是其名山之義。與由此推之。西土形勢之壯。惟秦與蜀相埒。釋名秦字从禾。以其地宜禾。

故稱秦然則昔之人既倖汶上之山而以蜀名豈得不並美汶上之地而以秦名耶莊公九年左傳言師及齊師戰于乾時我師敗績公喪戎路傅乘而歸秦子梁子以公旗辟於下道是以皆止彼稱秦子者殆其先世嘗有食邑於秦後人乃以邑為氏耳至築臺于秦而即名秦臺又有償義於秦以壯其臺者蓋秦本周京穆王時西極之國有化人來入水火貫金石乘虛不墜觸實不礙千變萬化不可窮極王築通天之臺以居之居無何謁王同遊王執化人祛騰而上之及化人之宮其臺高千仞今在於秦則此之名秦臺者其亦欲比於通天之臺而與蜀山屹然對峙云爾由是於此臺瞰南旺湖降而舟遊南旺湖又下合泗水南流以注於蜀山湖其湖西為卽臺湖東為薛臺豈不樂而忘返哉但此時之莊公未盡一歲而成三臺一臺之成不踰三月其勞役孔劇驅督加嚴尚可言乎而卒漢不為動以極其侈一皆所為不待貶絕而自見者矣夫莊公何以至此其或天奪其魄竟自料死喪無日將不獲登高舒

嘯乃祕窮其所欲經營而操之已感與抑或公子慶父陰
為篡弑之謀欲使民怨沸騰以畔其上因是逢君之惡頻
起土功而一再不已與
度是二者蓋皆有之

冬不雨

管見前桓公五年秋書螽即蝗也。凡蝗既害稼復育卵於
土一卵九十九子。明歲暖則復生。惟其冬有雪雁之乃入
土深而不出。故至桓之八年冬十月書雨雪蓋幸其足以
除蝗之遺孽也。莊公二十九年秋書有蜚謂有飛蝗過
魯魯人不敢直斥為蝗而以為有蜚耳。其飛而下集之處
既害稼而復育卵與前螽之生於魯境者同。則亦待冬雪
之有以雁之矣。及此三十一年冬非惟不雪並不雨則
蝗之遺孽其為患將無已也。故特書冬不雨以危之。

三十有二年

春城小穀

〔管見〕高氏閔曰：杜預以小穀為齊邑。左傳云：為管仲也。若然，聖人亦當異其文而繫之齊。且公雖感齊桓之私，豈當為管仲城邑？昭公十二年傳云：齊桓城穀以實管仲焉。齊自有穀，非魯之小穀也。張氏洽曰：泰山孫氏曰：曲阜西北有小穀城。胡氏曰：孫魯人而終身學春秋，其於此事必詳矣。按二說辨小穀之為魯邑最確，但於城小穀之本意未得指出耳。嘗反復求之，魯之城小穀，其殆謀所以處齊侯來獻戎捷之俘，因與當齊人伐山戎既捷，其敗降者盡驅以入于齊，籍之當一二千不啻也。至于分以獻魯，亦不下二三百。左傳前稱鄭公子忽會齊伐戎，敗之，獲其二帥及甲首三百，以獻。後稱晉文敗楚師于城濮，獻俘于王，駟介百乘，徒兵千。據此以酌差齊侯來獻戎捷之數，不可知其大概也。哉！齊來獻，魯受其獻，論數非少。將何以置之周禮？秋官之屬有司隸、掌帥、四翟之隸、使之各服其邦之服，執

其邦之兵守王宮與野舍之屬禁釐分蠻隸掌役校人養馬閭隸掌役畜養馬夷隸掌役牧人養牛馬銘隸掌役服下氏養獸侯國雖不脩官其所獲戎虜將焉管領任用之濟亦何能外此耶今齊獲山戎而獻于魯魯受之而第所止居彼非類也既不得與國之人雜處且專以役國中煩辱之事令其遠在邊鄙亦非便乃以魯都曲阜西南之隙地處之名曰小穀穀本齊邑此豈穀稱而別以小者欲著其戎捷之來獻自齊云爾小穀為新名則其城為創築意亦計及山戎之以非類羣萃一隅不可不設之防閑也有城然後得幾其出入止其遁逃及攘竊者此因而城之又豈得已哉獨念莊公于去年春築臺于郎夏築臺于薛秋築臺于秦乃復及今年春而城小穀焉夫何堪其興作非常之後更增此勞役也民之憊已甚君之疾亦旋亟矣

夏宋公齊侯遇于梁丘

管見梁邱杜注高平邑縣西南今山東兗州府城武縣
 東北三十里有梁邱山山南有梁邱城接遇于梁邱宋公
 之志也故先宋公而次齊侯前莊公十三年宋公合陳蔡
 邾三國奉齊桓為伯主會于北杏及茲閱十九年凡齊侯
 之期以盟會與其合師伐牧者靡不從之在當時諸國中
 獨宋公之輔成齊伯為專一也值去年秋齊侯北伐山戎
 以大克而獻戎捷于魯其功偉矣今年夏宋公欲致齊侯
 于境內與之遇于梁邱者何益以梁邱本山名可因此以
 標齊侯伐山戎之功如古築京觀之意云爾宣公十二年
 傳言古者明王伐不義取其鯨鯢而封之於是乎有京觀
 京大也本于高邱曰京取之觀示也亦本于蒼上構屋曰
 觀取之此梁邱之邱正與京敵如說文云土之高者為邱
 是已此梁邱之梁正與觀合如字典云屋脊柱為棟負棟
 為梁是已然則此梁邱者不可以當京觀之大示武功也
 哉且京觀之封土以人為而梁邱之當京觀其成山出于
 天作所為大者不可例所以示者自常昭也持此意以達

齊侯故梁邱為宋地在曹州之間云齊八百里而齊侯固欣然就道惟恐相遇之後所期矣遇為相見之通辭與諸侯塗遇之禮無涉再按經文但書梁邱其借為齊之京觀者在宋公當日何以明之而使後之人有可徵耶攷梁邱即今之城武縣地志起漢以來通作城至宋之案字記凡書城武縣皆易城為成無土旁成武與周書武成字有倒而義皆順則知梁邱之改城武非漢創其名而城武之改成武惟宋得其實也蓋齊侯之武功宋公喜其既成而為之炫耀當遇于梁邱之日既指梁邱之山為京觀即改梁邱之邑為成武矣春秋惡宋公之近諂亦即懲齊侯之益驕故特從其邑之本名書梁邱而不書成武

秋七月癸巳公子牙卒

〔管見〕莊公疾公子慶父將謀篡代公子牙黨于慶父季友以君命酖之春秋書公子牙卒幾若無罪者然而不知其

以削氏罪之魯之三桓。以仲叔季為氏。其後並強盛。及春秋之終而未已。以視前無駭。聲扶溺之後。其氏或絕。或微者。不同。故於叔牙不書叔。於仲慶父不書仲。又以削其氏為貶絕之一例也。

八月癸亥公薨于路寢

管見幸其不被弑而已。不必謂薨于路寢為得正也。且慶父通于哀姜。必當公疾之時。公薨于路寢。夫人哀姜不既縱淫于小寢哉。

冬十月己未子般卒

管見子般之卒。由哀姜欲立其嫡叔姜之子。閔公因倚公子慶父之權力以圖之。此即慶父所以得通于哀姜之緣。與子般立。慶父使圉人犇殺之于黨氏。所稱黨氏者。必即子般之母家也。初莊公築臺臨黨氏。見孟任從之。閔公以夫

人言詐之。割臂盟公。生子般焉。般之竟為太子。正。以此。又
莊公嘗因雪而講于梁氏。女公子觀之。圉人犖自牆外與
之戲。子般怒。使鞭之。公曰。不如殺之。是不可鞭。犖有力焉。
能投葢于椽門。慶父至。是使之于子般乎。何有。夫莊公以
八月癸亥薨。至十月己未。纔五十餘日。子般方在。倚廬苦
塊中。何為出舍于黨氏。其死于慶父之主謀。與圉人犖之
効力。亦固其宜。獨其時為公子友者。先由莊公疾。問後于
叔牙。牙曰。慶父材。乃問于季友。對曰。臣以死奉般。乃假公
命。酖叔牙以懼慶父。此舉殊太彊。他計盡必多。踈漏。以是
子般立而難潛生。遇賊于黨氏。卒。公子友遂奔陳。然則其
前言以死奉般者。終獨逃死。以苟全性命耳。魯何賴有若
人哉。故春秋于其出奔不書。直若魯本無若人者。乃所以
深恥之。

公子慶父如齊

讀春秋管見

卷三

莊公三十二年

十五

管見子般之見殺。不于喪次而于黨氏。殺子般者。又為其
讐國人。華則慶父弑君之謀。猶不大白。以故得拘所通哀
姜之意。而立閔公。但閔公年甫八歲。不成君。非恃有強援
不可。乃以閔公出自叔姜。亦齊甥也。時齊桓伯業方盛。以
幼君托之。必足賴矣。此皆與哀姜謀之於是。夫人輔閔公
以立國。而公子慶父則如齊也。明年為閔公元年。其秋八
月。公及齊侯盟于落姑。冬。齊仲孫來。並由公子慶父之如齊。以致之者。

狄伐邢

管見杜氏預曰。邢。姬姓。周公之後。張氏洽曰。狄。北狄。前此
雖未見於經。然自伐邢而滅衛。三年之間。塗炭兩國。皆以
伐書。著其強也。按前齊人伐山戎。亦狄也。因其地在極東
而多山。故以山戎別之。山戎亦通稱北戎。見左傳。若山戎
以外之北戎。聯延至極西者。皆不得以山戎稱。故以二字
名。則為北戎。以一字名。則為狄。地志占邢國在今直隸順

德府邢臺縣其西北為太行山太行起今河南懷慶府北
走亘數千里雖各因地異名其實皆為太行觀禹貢以太
行恒山聯言可見邢地北指今直隸之宣化府及山西之
大同府狄並在其邊鄙之外及是乃率衆充斥而南伐邢
其伏藏之窟定與其往來之蹊徑皆憑太行可知今而伐
邢又二年而入衛其自太行趨邢而南遂使衛至君亡國
破卒以廬漕徙楚邱而後得粗
安爾時狄之猖獗尚可言哉